



醫學正傳卷之五

味安庫

春翠文庫

佐山董致

| | | | | | | | |
|------|-----|----|----|----|----|----|----|
| 怔忡驚悸 | 癲狂癩 | 瘧証 | 痔漏 | 鼻病 | 喉痺 | 目病 | 麻木 |
| 三消 | 邪祟 | 厥證 | 汗證 | 血証 | 齒病 | 口病 | 耳病 |

醫學正傳卷之五目錄

○麻木門四十論

人參益氣湯

道氣湯

天麻黃芪湯

補氣升陽和中湯

麻黃桂枝升麻湯

神効黃芪湯

補氣湯

冲和補氣湯

祖傳三妙丸

○耳病門四十論

東垣滋腎丸

柴胡聰耳湯

蔓荊子散

黍粘子湯

祖傳經驗方

○目病門四十論

滋陰地黃丸

撥雲退翳丸

羊肝丸

脈法

丹溪方法凡一條

脈法

丹溪方法凡九條

春雪膏

爛霧驗方

神効明目湯

明目細辛湯

復明散

助陽和血湯

歸葵湯

救苦湯

益陰腎氣丸

當歸龍膽湯

瀉陰火丸

療本滋腎丸

加味滋腎丸

退翳膏

龍膽飲子

還睛紫金丹

重明散

石膏羗活散

黃連膏

滌昏膏

金絲膏

地芝丸

眼睫方

點眼光明丹

丹溪活套

祖傳固本還睛丸

經驗復明膏

○口病門四十

論

脉法

丹溪方法

凡三條

益膽湯

柴胡地骨皮湯

又丹溪方法

凡十條

鵬砂散

碧雪

祖傳經驗方

丹溪活套

○喉痺門四十

論

丹溪方法

凡十條

通關飲

又治喉痺方

普濟消毒飲子

桔梗湯

又治喉痺二方

吹喉散

聖煙筒

祖傳方

又祖傳方

○齒病門五十

論

丹溪方法

凡五條

灸牙疼法

治虫牙痛方

走馬牙疳神方

小兒走馬牙疳方

東垣射香散

草豈菟散

羗活散

白牙散

獨聖散

立効散

牢牙散

清胃散

神功丸

祖傳經驗方

又祖傳方

擦牙止痛方

祖傳灸法

○鼻病門六十四

論 脈法

丹溪方法七條

鼻淵防風湯

麗澤通氣湯

溫肺湯

禦寒湯

祖傳經驗方

又祖傳驗方

○血証門四十七

論 脉法

丹溪方法七條

人參飲子

痰涎雜血出方

三黃補血湯

痰嗽吐血方

黃芪散

痰帶血欬出方

雞蕪散

薏苡仁散

又丹溪方法八條

犀角地黄湯

四生丸

聖餅子

官明地榆湯

結陰丹

椿皮散

烏梅丸

槐花散

加減四物湯

當歸和血散

枳殼散

酒煮黃連丸

秘方枳殼湯

槐角丸

升陽去熱和血湯

升陽補胃湯

生地黄散

玉屑膏

龍骨散

射香散

經驗瀉血方

又方治前証

桃仁承氣湯

抵當湯

丹溪活套

祖傳經驗方

髮灰丸

大便下血經驗方

已試鑿驗一條

○痔漏門四十一

論 脉法

丹溪方法十一條

秦艽羌活湯

秦艽蒼朮湯

秦艽當歸湯

秦艽防風湯 當歸郁李仁湯 紅花桃仁湯

七聖丸 秦艽白朮丸 脫疔方條三

祖傳七花丸 又經驗祖傳方

○汗証門九十四論 脉法 丹溪方法凡四條

麥煎湯 調衛湯 當歸六黃湯

黃芪建中湯 四制白朮散 正氣湯

東垣白朮散 丹溪活套 已試醫驗條一

○瘧証門十五論 脉法 丹溪方法凡二條

瓜蒌桂枝湯 葛根湯 麻黃葛根湯

大承氣湯 桂枝葛根湯 桂枝瓜蒌根湯

小續命湯 防風當歸散 當歸補血湯

舉鄉舉敗散 丹溪活套 已試醫驗條一

○厥証門一五十論 脉法 丹溪方法條一

活人書方法 五味子湯 桂枝麻黃各半湯

茯苓甘草湯 通脉四逆湯 當歸四逆湯

吳茱萸湯 藜合香丸 丹溪活套

○癲狂癩門二十論 脉法 丹溪方法凡五條

龍腦安神丸 神應丹 錢氏五色丸

元戎二白丸 拔萃妙香丸 硃砂滾涎丸

碧霞丹 控涎丹 牛黃瀉心湯

牛黃清心丸 丹溪活套 祖傳秘方

○邪祟門五十論 脉法 丹溪方法條一

素問五邪証 五邪刺法 丹溪治婦人方法

秦承祖灸鬼法 還魂卅 桃奴丸

蕪合膏丸 治覓死方法 祖傳辟邪丹

已試醫驗條一

○怔忡驚悸門四五十論 脉法 丹溪方法九三條

治勞役心跳方 驚悸養心湯 東垣安神丸

温膽湯 定志丸 朱雀丸

八物定志丸 歸脾湯 祖傳經驗方

○三消門五十論 脉法 丹溪方法九二條

猪肚丸 又丹溪方法九二條 和血益氣湯

當歸潤燥湯 生津甘露湯 辛潤緩肌湯

生津甘露飲 黃芪飲 六味地黃丸

人參白朮湯 絳雪散 人參散

大黃甘草飲子 麥門冬飲子 丹溪活套

經驗原蠶蟹湯

醫學正傳卷之五目錄終

新編醫學正傳卷之五

花溪恒德老人虞搏天民編集

姪孫虞守愚惟明校正

麻木 四十

論

內經曰風寒濕三氣合而為痺故寒氣勝者為痛痺濕氣勝者為著痺河間曰留著不去四肢麻木拘攣也經又曰痛者寒氣多也有寒故痛也其不痛不仁者病久入深榮衛之行溢經絡持踈故不痛皮膚不榮故為不仁夫所謂不仁者或周身或四肢唧唧然麻木不知痛痒如繩扎縛初解之狀古方名為麻痺者是也丹溪曰麻是氣虛木是濕

痿死血然則曰麻曰木者以不仁中而分為二也
雖然亦有氣血俱虛但麻而不木者亦有虛而感
濕麻木兼作者又有因虛而風寒濕三氣乘之故
周身掣痛兼麻木併作者古方謂之周痺治法宜
先汗而後補也醫者宜各以類推而治之不可執
一見也

脉法

脉浮而濡屬氣虛關前得之麻在上體關後得之
麻在下體也

脉浮而緩屬濕為麻痺脉緊而浮屬寒為痛痺脉
濡而芤屬死血為木不知痛痺

方法

丹溪曰十指麻木是胃中有濕痰死血宜二陳湯
加蒼朮白朮桃仁紅花少加附子行經

○人參益氣湯治兩手指麻木四肢困倦怠惰嗜卧
熱傷元氣也

黃芪二錢 炙甘草 升麻各半 五味子三十粒
柴胡六分 生甘草 人參各一分 白芍藥七分
右細切作一服水二盞去粗稍熱服

○導氣湯治兩腿麻木沉重

黃芪二錢 甘草一分 青皮一錢 升麻
柴胡 當歸梢 澤瀉各半 陳皮二分

紅花許 五味子三十粒

右細切作一服水二盞煎至一盞去粗溫服

○天麻黃芪湯治素有風証因連日醉飲其証復來

右口角併眼牽引側視及左手脚腿麻木疼痛

天麻 芍藥 神麴炒 羌活如肢節不用

茯苓各三分 人參 黃連各四分 川歸五分

黃芪 甘草 升麻 葛根

黃柏 蒼朮各六分 澤瀉七分 柴胡九分

或加猪苓六分

右細切作一服水二盞煎至一盞去粗溫服

○補氣升陽和中湯一婦人病診得六脉俱中得弦

洪緩相合按之無力強在上是風熱下陷入陰中陽道不行其證閉目則渾身麻木晝減而夜甚覺而閉目則麻木漸退久則絕止常閉目則此証不作是以不敢合眼致不得卧身體皆重時有痰嗽覺胃中不利煩燥氣短喘促肌膚充盛飲食不減大小便如常此非風邪乃氣不行也治宜補益肺氣自愈如經脉中陰火乘其陽分火動為麻木者當兼去其陰火則安矣

生甘草去腎熱 黃柏酒炒陰濕熱 白茯苓陰濕水

澤瀉除濕水 升麻行濕經 柴胡已上各

蒼朮除濕中 草薢益陽辟寒各三分 陳皮

東垣

歸身 白木各四分 白芍藥

人參各六分 佛耳草 炙甘草各八分

黃芪一錢

右細切作一服水二盞煎至一盞去粗食遠服

○麻黃挂枝升麻湯治婦人先患渾身麻木睡覺則

小減開目則已其證愈後又因心中煩惱遍身

骨節疼痛身體沉重飲食減少腹中氣不轉運

木香 生姜各二分 桂枝 半夏

陳皮 草豈寇 厚朴制姜 黑附子炮去皮臍

黃柏各三分 炙甘草 升麻 白木

茯苓 澤瀉各四分 黃芪 麻黃節不去

東垣

人參各五分

右細切作一服水二盞煎至一盞去粗食遠服

○神効黃芪湯治渾身麻木不仁或頭面手足肘背

腿脚麻木並皆治之及兩目羞明畏日隱澁難

開視物昏花睛痛亦皆治之

蔓荊子二分 陳皮半錢 人參八分 炙甘草

白芍藥各一錢二分 黃芪二錢

右細切作一服水二盞煎至一盞去粗臨卧稍

熱服如麻木不仁雖有熱不加黃柏只加黃芪

一錢通三錢如麻木甚者加芍藥一錢通二錢

如小便淋澁加澤瀉五分一服去則止如有大

熱證加酒洗黃栢三分

○補氣湯治皮屑麻木神効

黃芪

陳皮

甘草各一分

澤瀉六分

芍藥八分

右細切作一服水一盞半煎至一盞溫服

○沖和補氣湯治合眼則麻木開則不麻四肢無力

痿厥醋心目昏頭眩神効

羌活七分

獨活

川歸

黃栢各三分

柴胡

神麴

木香

草薹各二分

人參

白朮

澤瀉

猪苓各一分

甘草

升麻各半

芍藥一分

黃芪二分

痺

蒼朮

陳皮各一分

黃連

麻黃各二分

右細切分作二服每服用水一盞半煎至一盞

溫服

○祖傳經驗三妙丸治濕熱下流兩脚麻木或如火

烙之熱

黃栢四兩 酒拌略炒

蒼朮六兩 米泔浸一宿細切焙乾

川牛膝去芦

右為細末麩糊為丸如梧桐子大每服五七十

丸空心姜鹽湯下忌魚腥蕎麥熱麩煎炒等物



四十一

論

內經曰腎者作強之官技巧出焉又曰耳為腎之外候一曰腎通竅于耳一曰心通竅于耳夫腎之為藏水藏也天一生水故有生之初先生二腎而一陰藏焉而又有相火存乎命門之中也每挾君火之勢而侮所不勝經所謂一水不能勝二火是矣其或嗜慾無節勞役過度或中年之後大病之餘腎水枯涸陰火上炎故耳痒耳鳴無日而不作也或如蟬噪之聲或如鐘鼓之響甚為可惡早而不治漸而至於聾鍾良可嘆哉治法宜瀉南方之火補北方之水無有不安者焉錢仲陽曰腎有補而無瀉厥有旨哉

脉法

兩寸脉浮洪上魚為溢兩尺脉短而微或大而數皆屬陰虛法當補陰抑陽

左寸洪數心火上炎兩尺脉洪者或數者相火上炎其人必遺精夢與鬼交兩耳蟬鳴或聾

方法

丹溪方法
此九條

丹溪曰大病後耳聾及除虛火動而聾者宜補陰降火四物湯加黃柏主之

○耳鳴宜當歸龍薈丸多飲酒人宜木香檳榔丸

○耳聾以茱萸烏頭尖大黃三味為末津調貼湧泉穴以引火下行

○又方治耳痛以白礬枯吹入吹中及青礬燒灰吹之皆効

○又方治耳痛及聾耳用桑螵蛸炙黃為末加射少許吹入耳中極効或用臙脂胚子蛙竹末加射香少許吹入妙

○又方治諸虫入耳用香油滴入耳中其虫即出或死於耳內或用驢牛乳或鷄冠血滴入皆好

○又方治諸虫入耳用桃葉捲作角子切齊其頭納入耳中其虫從角中走出

○大補丸治耳鳴故聾用黃栢一味不拘多少細切塩酒拌新瓦上炒褐色為細末滴水丸如梧桐

子大每服一百丸如氣虛以四君子煎湯下血虛以四物湯下

○凡耳鳴耳聾皆是陰虛火動或補腎丸或虎潛丸或滋陰大補丸皆好

○滋腎丸治耳鳴耳聾
黃栢益酒炒 知母去毛酒漬一兩 肉桂半錢
右為細末煉蜜為丸如梧桐子大每服五十九淡鹽湯下

○柴胡聰耳湯治耳中乾結耳鳴而聾

連翹四錢 柴胡三錢 炙甘草 當歸身
人參各一錢 水蛭五分炒 黃虫三箇去翹足炒另研

射香少許

右除後三味別研外其餘細切作一服加生姜三片水二盞煎至一盞去粗入三味末子再煎一二沸食遠服

東垣

○蔓荆子散治上焦熱耳鳴而聾及出膿汁

炙甘草 升麻 木通 赤芍藥

桑白皮剉 麥門冬 生地黃 前胡

甘菊花 赤茯苓 蔓荆子各半

右細切作一服加生姜三片大棗一枚水一盞半煎至一盞去粗食後服

○黍粘子湯治耳痛生瘡

昆布 蘓木 生甘草 蒲黃

草龍膽各二 黍粘子 連翹 生地黃

當歸梢 黃芩 炙甘草 黃連各三

柴胡 黃芪各四 桔梗半一

桃仁三箇去皮 紅花少

右細切作一服水二盞煎至一盞稍熟食後服忌寒藥利大便

○祖傳經驗秘方治耳內忽大痛如有虫在內奔走或有血水流或乾痛不可忍者用蛇退皮燒存性細研以鵝翎管吹入耳中立愈

論

東垣曰按陰陽應象論云諸脉者皆屬於目又曰目得血而能視五藏六府之精氣皆上注於目而為之精睛之窠為眼骨之精為瞳子筋之精為黑眼血之精為目窠之總絡氣之精為白眼肌肉之精則為約束裏擷筋骨血氣之精而與脉併而為系上屬於腦後出於項是故瞳子黑眼法於陰白眼赤脉法於陽故陰陽合德而為精明也是以五藏六府十二經脉三百六十五絡其血氣皆稟受於脾土而上貫於目而為明故目者心之使也心者神之舍也故精神亂而不守卒然見非常之怪

若邪中其睛則精散精散則視歧視一物為兩也因事煩擾飲食失節勞役過度致脾胃虛弱心火大盛則百脉沸騰血脉逆行經曰天明則日月不明邪害空竅是也夫脾者諸陰之首目者血脉之宗也故脾虛則五藏之精氣皆失所司不能歸明於目矣心者君火也主藏神明宜靜而安相火化行其令相火乃包絡之火主百脉皆榮於目既勞役妄動又因邪氣所併而損血脉是故諸病生焉醫目者若不先理脾胃及養血安神乃治標不治本是不明至理者也學者其可不用心乎

脉法

左寸脉洪數心火炎也關弦而洪肝火盛也
右寸關俱弦洪肝木挾相火之勢而求侮所不勝
之金而制已所勝之士也

方法

丹溪方法
凡十條

丹溪曰目病屬風熱血少神勞腎虛

○河間曰在府則為表當除風散熱在藏則為裏當
養血安神如暴失明昏澁翳膜眵淚斑入眼皆
風熱也一云斑入眼此肝氣盛而發在表也宜
表散以去之如昏弱不欲視物內障見黑花瞳
子散皆裏也血少神勞腎虛也宜養血補水安
神以調之

○瞳子散大皆辛熱所為也辛主散熱乘之當除風
熱涼血益血以收耗散之氣芩連苦寒除邪氣
之盛為君當歸身生地黃養血涼血為臣五味
子酸溫體淨收瞳子散大地骨皮天門冬瀉熱
補氣或用滋陰地黃丸最妙

○久病昏暗以熟地黃當歸根為君羌活防風甘菊
花之類佐之

○暴發赤腫以黃芩防風為君以瀉火黃連當歸為
臣以養血羌活柴胡升麻白芷甘草為使白睛
紅加白豈寇少許

○又方治血熱壅痛四物湯加草龍膽防已防風羌

活一云實熱上衝眼痛用黃連瀉火當歸補血

○勞役飲食不節內障昏暗蔓荊子湯

蔓荊子 人參 甘草 炙 黃芪

黃栢 白芍藥 炒酒 右細切水煎服

○又方治眼痛用生地黄酒浸搗爛盒眼上又用草

烏南星乾姜桂枝為末醋調貼兩足心特用牛

膝膏洗眼

○肥人風熱上壅眼目疼痛

防風 羌活 荊芥 酒芩 水煎服

○瘦人目痛乃是血少兼熱須用養血藥少加風藥

當歸 生地黄 洗酒 玄參 川芎

防風 荊芥 菊花 右細切水煎服之

○滋陰地黄丸

熟地黄 兩一 生地黄 半一 兩 柴胡 錢八

天門冬 炙甘草 枳殼

地骨皮 黃連 五味子 各三錢

人參 錢二 當歸身 洗酒 浸 黃芩 錢各五

右為細末煉蜜為丸如棗葢大每服一百丸茶

清下

○秘傳撥雲退翳丸 又名神仙 治一切內外障膜遮

睛昏暗大効

瓜蒞根 枳實 甘草 炙 蔓荊子

垣東

垣東

薄苛 各五錢

川芎

木賊 童便浸一宿去節焙乾

密蒙花

荆芥穗

地骨皮

甘菊花

白蒺藜

羌活 各一兩

蛇蛻

蟬蛻

黃連 各三錢

川椒 去目

當歸 酒浸洗

草决明 炒

右為細末煉蜜為丸每兩分作十九每服一九

食後臨卧服日進三服翳障米飲下睛暗當歸

湯下内障木香湯下

退雲丸有犀角五錢乾地黃一兩無蔓荆子甘草川椒婦人當歸湯下有氣木香湯下

○羊肝丸治一切目疾不問内外翳障青盲等證

白乳羊肝 一具以竹刀去膜

黃連 一兩

甘菊花

防風

薄苛 去梗

荆芥穗

方局

垣東

羌活

當歸

川芎 各三錢

右為細末將羊肝蒸熟同藥末杵爛為丸漿水下

○春雪膏點赤眼効

朴硝 不拘多少 置豈腐上蒸化待流下以菴器盛之

○爛翳驗方

用茜草根燒灰以燈心點之須臾大痛以百節草刮之

○神効明目湯治眼楞緊急致倒睫拳毛及上下臉

皆赤爛睛疼昏暗晝則冷淚常流夜則眼溢難開

細辛 二分

蔓荆子 半錢

防風 一錢

葛根 半錢

垣東

甘草二錢 一方加黃芪一錢

服 右細切作一服水二盞煎至一盞去粗臨卧温

○明目細辛湯治兩目發赤微痛羞明畏日怯風寒怕火光眼睫成紐眵糊多隱澁難開眉攢腫悶鼻塞涕唾稠粘大便微硬

川芎一分 生地黄酒浸 蔓荊子各三分

當歸身稍 白茯苓 藜本各四分 荊芥穗五分

防風 麻黃根 羌活各八分 細辛少許

紅花少許 川椒四粒 桃仁七箇去皮

右細切作一服水一盞半煎至一盞去粗臨卧

稍熱服忌酒醋濕麪

東垣 ○復明散治內障

青皮去穢三分 陳皮去 川芎 蒼朮各半

炙甘草 生地黄 連翹 柴胡各一錢

黃芪半錢 當歸身二錢

右細切作一服水二盞煎至一盞去粗稍熱服忌酒醋濕麪辛熱大料物之類

陳 ○助陽和血湯治眼發之後微有上熱白睛紅隱澁

難開睡多眵淚

蔓荊子一分 香白芷三分 柴胡 黃芪

炙甘草 當歸身酒洗 防風各半 升麻七分

右細切作一服水一盞半煎至一盞去粗稍熱服

○歸葵湯一名連翹治目中溜火惡日與火光隱澁難

開小角緊視物昏花迎風有淚

柴胡三 生甘草 蔓荊子 連翹

生地黄 當歸身 紅葵花 人參各四分

黃芪 酒黃芪 防風 羌活各七分

升麻一分

右細切作一服水二盞煎至一盞去粗食後服

○救苦湯治眼暴發赤腫臉高苦疼不可忍者

桔梗 連翹 紅花 細辛各二分

當歸身夏月減半 甘草一分 蒼朮 草龍膽各一分

羌活太陽 升麻陽明 柴胡少陽 防風

藁本 黃連各二分 生地黄 黃柏

黃芩 知母各三分 川芎六分

右細切作一服水二盞煎至一盞去粗食後服

若苦疼則多用苦寒藥兼治本經之藥再行加

減如睛昏加知母黃柏

○益陰腎氣丸此壯水之主以鎮陽光

澤瀉 茯苓各二分 生地黄酒洗 牡丹皮

山茱萸 當歸梢酒洗 五味子 乾山藥

柴胡各五分 熟地黄二兩

東垣

右為細末勿犯鐵器蒸搗煉蜜丸如梧桐子大每服五十丸罕心淡益湯下

○常歸龍膽湯治眼中白翳

防風

石膏各二

柴胡

羌活

五味子

升麻各三

甘草

酒黃連

黃芪

各四分半黃芪酒

黃柏酒

當歸身酒

草龍膽

洗酒芍藥各七分

右細切作一服水二盞煎至一盞去粗入酒少許熱服

許熱服

東垣

○瀉陰火丸一名連栢益陰丸

石決明

三錢煨

羌活

獨活

甘草

當歸梢

五味子

防風各五錢

草決明

條黃芩

黃連酒

黃栢酒

知母各一兩

右為細末煉蜜為丸如棗葢大每服五十九茶清下

○療本滋腎丸

黃栢酒

知母酒

右等分為細末滴水為丸如梧桐子大每服一百丸至一百五十九空心淡益湯下

○加味滋腎丸

肉桂三錢

黃連一錢

姜黃一錢

苦參三錢

苦葶藶

酒洗

石膏煨用

黃栢酒

東垣

知母去毛 各五錢

右為細末麩糊為丸如梧桐子大每服一百丸白湯送下空心服以食壓之

○退翳膏治黑白翳

麩仁 升麻各三 連翹 防風

青皮各四 甘草 柴胡各半 當歸身六

荆芥穗水半 生地黃各一 黃連三

右細末水一碗煎至半碗去粗更上火煎半盞入荆芥水兩匙入蜜少許再上火熬勻磁器盛貯頻點之

東垣

○龍膽飲子治疳眼流膿生疳翳濕熱為病

穀精草 川鬱金 蛇蛻 炙甘草各半

麻黃半一錢 升麻二錢 青蛤粉 草龍膽

黃芩炒 羌活各二錢

右為細末每服二錢溫茶清調下

東垣

○還睛紫金丹治目眵歲久赤爛俗呼為赤瞎是也當以三稜針刺目眵外以濕濕熱如眼生倒睫拳毛兩目緊蓋內伏火熱而攻陰氣法當去其熱內火邪眼皮緩則毛立出翳膜亦退用手法攀出內臉向外以針刺之出血

白沙蜜兩 煨甘草水二十兩 煨七次 碎

黃丹六兩 烏賊骨二錢 硃砂小盞內 煨於

射香各一錢

白丁香直者

輕粉字一

右將白砂蜜於砂石器內慢火熬掠去沫下甘石次下丹以柳枝攪次下餘藥以不粘手為度作丸如鷄頭實大每用一九溫水化開洗之

○重明散治一切風熱內外障膜眼疾

川獨活

川羌活

川芎

吳射干

仙靈脾

防風

甘草

井泉石

蒼朮各半

丹參

白朮

石決明

草決明各三錢

右為細末每服二錢水一盞半煎至一盞溫服

日三服

○石膏羌活散治久患雙目不明遠年近日內外翳障風熱昏暗倒睫拳毛一切眼疾頭風並皆治之

羌活治腦熱

蜜蒙花治羞明

木賊退翳

白芷清利

細辛

乾菜子二味起

麻子起拳

川芎治頭

蒼朮明目煖

黃芩洗心

甘菊花

荆芥穗治目

石膏治頭痛

藜蘆治頂痛

甘草解毒

右各等分為細末每服一錢至二錢食後臨卧用蜜水調下茶清亦可日進三服服至十日漸明二十日平安

○黃連膏治一切眼目疼痛瘀肉攀睛風痒淚落不
已

扑硝一斗以水淘 白丁香五升以水一斗淘

黃連斤半

右量水入硝香釜內熬至七分淘出令經宿水
面浮牙者取出控乾以紙袋子盛風中懸至風
化將黃連細末熬清汁晒乾入風硝更加猪羊
膽和蜜令勻點眼極妙

○滌昏膏治一切風壅眼目疼痛不可忍者

白沙蜜斤一 黃連兩一 沒藥兩半 黃丹紫金一兩炒

右以蜜同黃丹熬黑以水二大盞煎黃連成稠

汁去粗入前丹蜜內煎熬稠更入沒藥末同煎
數沸瀉去粗洗眼甚妙

○金絲膏治一切目疾昏暗視物如絲羅所遮或痒

或痛

宜黃連半兩細切水一盞浸一宿取汁再

白砂蜜兩一 白礬字一 井鹽一分如無以

山梔子二錢通碎入前黃連汁

右用銀甕器煎藥十餘沸用上細生絹加紙數
重再瀉過銀罐子盛貯時常點眼

○地芝丸治不能遠視而能近視以此除風熱

生地黃 天門冬各四兩 枳殼炒 甘菊花各二兩

東

相傳

右為末煉蜜丸茶酒任下

○眼睫方即何睫拳毛也

木鱉子一箇去殼為末綿裹塞鼻中左目塞右右目塞左一二夜其睫自正

○點眼光明丹治一切風熱上壅兩目赤腫溢痛風眼爛弦及內外翳障等証

白爐甘石一兩以黃連半兩煎濃汁瀉去粗用炭火煨爐甘石通紅碎黃連汁內如

此者七次列

辰砂錢一 鵬砂錢二 輕粉分五 片腦二分多至五分

射香分一 如赤眼腫痛加乳香沒藥各五分內

外翳障加珍珠半錢鴨嘴膽礬二分熊膽二分

爛弦風眼加銅青半錢飛丹半錢或以諸藥搗合為一以治諸船眼疾 右各研為極細末一處和勻再研一二日無聲銀瓶盛貯密封口不可令泄氣點眼極妙

○丹溪活套云東垣謂目能遠視不能近視火盛而水虧也法當補腎六味地黄丸主之目能近視而不能遠視有水而無火也法當補心定志丸加茯苓主之又曰不能近視晨服地黄丸不能遠視卧服定志丸是皆道手足少陰經也是以知不能近視者腎水虧欠也不能遠視者心血不足也 凡目暴發赤腫宜用羌活防風柴胡

白芷升麻酒制芩連甘草生地黃當歸身白睛
紅少加白荳蔻又曰凡眼暴發赤腫須以防風
黃芩為君當歸生地黃黃連和血瀉火藥為臣
使 凡日久痛或內障昏暗須以熟地黃當歸
根為君以羌活防風菊花荆芥穗生甘草之類
為佐使也

○祖傳經驗固本還睛丸治遠年一切目疾內外翳
膜遮睛風眼爛弦及老弱人目眩多糊迎風冷
淚視物昏花等證悉皆治之

天門冬去皮心酒浸一宿另拌爛如泥 麥門冬去心焙乾
生地黃酒浸焙乾 熟地黃酒洗淨再用薑蒸勿

人參

白茯苓

乾山藥

枸杞子已上各一兩半

川牛膝酒洗

石斛去蘆酒洗

草決明微炒

杏仁去皮另研

甘菊花用少金

兔絲子酒浸三宿另研焙乾已上各一兩

羊角一兩細剉取淨末八錢

烏犀角細生用

五味子七錢焙乾 防風八錢去蘆

甘草七錢炙

白蒺藜七錢去刺 黃連七錢去鬚

枳殼一兩炒黃色

川芎七錢 青箱子八錢微炒

右為細末煉蜜丸如梧桐子大每服五七十九
益湯下

○經驗復明膏去翳膜立効

人參半錢 川歸半錢 鵬砂生研 青鹽一錢

乳香

另研一錢

沒藥

另研一錢

蘆薈

一錢

珍珠

半錢

射香

半錢

黃丹

飛一兩

水

海漂

硝五錢

黃連

四錢

黃栢

六錢

赤爐

甘石

淬

次白砂

蜜

半斤

麩仁

去五錢

白斂

半一錢

右件各研為極細末先將白蜜煎沸掠去上沫再熬滴水沉碗底方散可用然後入前藥末略沸攪勻磁罐收貯日三五次點之効

口病

四十一

論

內經曰中央黃色入通於脾開竅於口藏精於脾故病在舌夫口之為病或為重舌木舌或為糜爛

生瘡或見酸苦甘辛鹹味原其所因末有不由七情煩擾五味過傷之所致也經曰陰之五官本在五味陰之五官傷在五味是也是以肝熱則口酸心熱則口苦脾熱則口甘肺熱則口辛腎熱則口鹹有口淡者知胃熱也外有謀慮不決肝移熱於膽而口苦者亦有脾胃氣弱木乘土位而口酸者或膀胱移熱於小腸膈腸不便上為口糜生瘡潰爛則傷寒狐惑之證上唇生瘡虫食其藏下唇生瘡虫食其肛其為口之為病種種不同醫者宜各類推而治之無有不安者也

法

經曰左寸洪數心熱口苦 右寸浮數肺熱口辛
左關弦數而虛膽虛口苦甚洪而實肝熱口酸
右關沉實脾胃有實熱口甘兼洪數者口瘡或
為重舌木舌脉虛者中氣不足口瘡若脹涼藥
不愈宜理中湯

方法 丹溪方注
凡三條

丹溪曰脾熱口甘三黃丸主之

三黃丸兼治五勞七傷消渴不生肌肉

黃芩 春四夏秋
六冬三兩 黃連 春四夏五
三冬二兩

大黃 春三秋二夏
一冬五兩

右三味煉蜜為丸如梧桐子大每服五丸未知

加至七丸日三服一月病愈又服行及奔馬 愚按

此方惟實熱者
可用虛者勿用

○膽熱口苦謀慮不決所致小柴胡湯加麥門冬酸

棗仁地骨皮遠志煎服

○益膽湯治謀慮不決肝膽虛氣上溢則口苦証

黃芩 去 甘草 炙 人參 各一錢 官桂 半錢

苦參 茯神 各三分 遠志 取肉去骨七分

右細切作一服水一盞半煎至一盞去粗溫服

○柴胡地骨皮湯治膀胱移熱於小腸膈腸不便上

為口糜生瘡潰爛心胃壅熱水穀不化等證

柴胡 去蘆 地骨皮 各等分

右細切每服五錢水一盞半煎至一盞食後溫服如病人大便實者加大黃朴硝以利之

○治口瘡用西瓜漿水徐徐飲之無瓜時以瓜皮燒灰付之

○又方細辛黃栢炒各等分為末摻舌上吐涎乃愈

○又方用焰硝鵬砂含口勿開外以南星為末醋調貼足心湧泉穴上神効

○又方用好酒煮黃連成汁呷下即愈

○又方用五倍子一兩黃栢蜜炙滑石各半兩銅錄半兩射香一字為末摻之極効

○凡口瘡服涼藥不愈者乃中氣不足虛火泛上無

制用理中湯反治之而愈甚者加附子或用官桂喻之亦妙

○又方治赤口瘡

白礬枯 沒藥 乳香 銅錄

右為細末摻之

○又方治白口瘡

雄黃 沒藥 乳香各一錢 輕粉五分

巴豆霜許少 右為細末摻之

○治實熱口中生瘡用涼膈散甘桔湯皆効

○一小兒口瘡不下食眾以狐惑治之必死後以礬湯於脚上浸半日頓寬更以黃栢蜜多殭蠶炒

為末付之而愈

○又方治唇緊燥裂生瘡用青皮燒灰附之立愈

○又方治唇緊以皮帛擦於刀上薰取瀝附立効

○又方治口糜用野薔薇花根煎湯漱之去白薔薇根并汁

之付

○又方治口内生瘡用

明礬枯

黃丹炒

鹽白梅燒存性各一錢

人中白燒半錢射香少許另研

右為細末乾摻口內甚者加鵬砂半錢片腦一分

○鵬砂散治口舌生瘡及咽喉腫痛皆効

鵬砂

馬牙硝

滑石

寒水石

枯白礬各二錢

片腦二分

右為細末每服半錢許食後新汲水調下

○碧雪治口瘡及咽喉腫痛神効

蒲黃

青黛

鵬砂

焰硝

生甘草 各等分為細末付之咽喉腫痛搗管吹入

○祖傳經驗方舌腫大塞口不能飲食者

真蒲黃一味

頻刷舌上自退若能躡藥即以黃

連一味煎濃汁細細呻之以瀉心經之火則愈

○丹溪活套云肝膽有實熱令人口酸而苦小柴胡

湯加甘草龍膽青皮之類甚者當歸龍會丸若
謀慮不決肝膽虛而苦者人參遠志茯神甘草
為君柴胡草龍膽為佐使甚者錢氏地黃丸虛
者補其母也○心熱而口苦或口舌生瘡黃連
瀉心湯牛黃清心丸涼膈散之類○脾熱而口
甘者三黃丸平胃散之類○肺熱而口辛者甘
桔湯瀉白散金沸草散之類○腎熱而口鹹者
滋腎丸大補陰丸滋陰大補丸之類

喉痺

四十

論

內經曰一陰一陽結謂之喉痺王註謂一陰即厥

陰肝與胞絡是也一陽即少陽膽與三焦是也四
經皆有相火存焉子和曰膽與三焦尋火治肝和
胞絡都無異東垣曰火與元氣不兩立一勝則一
負蓋元氣一虛則相火隨起而喉痺等暴病作矣
夫喉之為會厭者經謂之吸門是也以其司呼吸
主升降為人身緊關之竅齋門戶也若夫卒然腫
痛水漿不入言語不通死在須臾誠可驚駭其會
厭之兩傍腫者俗謂之雙乳蛾易治會厭之一邊
腫者俗謂之單乳蛾難治古方通謂之喉痺皆相
火之所衝逆耳經曰一水不能勝二火又曰一水
不能勝五火甚言其真水之易虧而相火之易動

也如大怒則火起於肝房勞則火起于腎飲食失節則火起于脾胃之類是故知火者痰之本痰者火之標火性急速故病發則暴悍治之之法必先大湧其痰或以鉞鍼刺其腫處此急則治標之法也用藥者必須以內經從治之法而以桔梗甘草玄參升麻防風羌活荆芥人參白朮茯苓之類少加乾姜附子等藥為嚮導徐徐頻與不可頓服此為治之大法也切不可驟服寒涼之藥非徒無益而且促其死耳俗人未諳此理而峻用芩連梔栝之類而正治之又甚者雜進以大寒草藥頻與頓服但覺腫勢稍退語言略通而豎者病者皆為獲効而喜殊不知上熱未除中寒復生其毒氣乘虛而入腹漸而至於發喘不休不可治矣良可嘆哉外有天行一種名曰大頭病俗呼為探頸瘟其証甚為凶惡染此者十死八九宜推運氣治之治法亦不甚相遠也東垣普濟消毒飲子甚妙實為百發百中之劑學者再宜詳究而擴充之務活人於斯世也幸甚

脈法

兩寸脈浮洪而溢者喉痺也 脈微而伏者死

方法

冊方
九十一條

丹溪曰喉痺多屬痰重者宜用吐法或只以桐油

燈油脚用鵝翎探吐之輕者新取園中李實根噲
之更研水於項上付之

盧氏曰按本草蠶實根即馬蘭草根也能治喉痺此方多有之此又曰園中李實根未知孰是

○纏喉風屬痰熱亦宜吐之

○又方用遠志去心為末水調付項上

○又方用燈心草燒灰吹入喉中

○一方治咽喉痛腫

荆芥穗 當歸身 桔梗 甘草各等

右細切水煎放溫漱而服之有熱加黃芩枳殼
宜刺少商出血立愈

○又方治喉乾燥痛用四物湯加桔梗荆芥黃柏知

母立已

○又方治喉瘡并痛者多屬虛火遊行無制用人參

黃柏炙 荆芥

虛火用人參竹瀝 血虛用四物加竹瀝

○又方黃擦即根俗名刺入好酒少許研汁滴入喉

中愈

○又方以燈籠草炒焦為末酒調付喉中

化 瀉實熱火黃連荆芥薄荷硝石為末姜汁蜜調噲

○喉舌之疾皆屬火熱雖有數種之名輕重之異乃
火之微甚故也微而輕者可以緩治甚而急者惟

用砭針刺血最為上策

○通關飲治喉痺腫痛不能語言者但可進藥無不愈者此從治之法也一方有棗粘子無白木茨

生一切咽喉

人參

白朮

茯苓各一

炙甘草半一錢

桔梗去蘆

防風去蘆

荆芥半錢

薄荷半錢

乾姜炮半

或加附子炮半

右細切作一服水二盞煎七分徐徐與之

○又方治喉痺用鴨嘴膽礬三分或半錢吹入喉中

吐痰愈

○普濟消毒飲子治天行喉痛等証方見瘟疫門

○桔梗湯治咽喉微覺腫痛聲破難語

當歸身

馬勃各一錢

白殭蠶炒

黃芩各二錢

麻黃去節五分

桔梗去蘆

甘草炙各一錢 桂枝少許

右細切作一服水二盞煎至一盞去粗溫服

○又治喉痺方新取青艾葉杵汁灌入喉中即愈

○又方治蛇床子於有嘴瓶中燒令病者以瓶嘴含

口中吸煙入喉內立愈

○吹喉散治咽喉一切腫痛

綠礬

半兩另用青魚膽一箇以礬研細入膽內陰乾

巴豆七粒去壳

朴硝二錢半另研

銅青一錢

輕粉五分

青黛少另研

右將膽礬同巴豆肉於銅銚內飛過去巴豆合

朴硝已下四味再加射香少許研勻每用一字吹入喉中吐出痰血立愈

○聖煙筒治喉痺草麻子取肉槌碎帛捲作筒燒烟吸之

○祖傳經驗秘方治喉痺神効

馬蘭菊 五介龍草 車前草 俗名蝦蟆衣

右以三物杵汁徐徐飲之

○又方治喉痺及喉中熱痛等證用上好消梨杵汁頻頻飲之如患者能自嚼躡下亦可多食為良大解熱毒惟金瘡產婦及諸脫血證不可食以其破血故也其餘一應癰疽發背等證多食極

妙

齒病 四十

論

內經曰百病之起有生於本者有生於標者夫齒者腎之標骨之餘也足陽明胃之脉貫絡於齒上齦手陽明大腸之脉貫絡於齒下齦手陽明惡寒飲而喜熱飲足陽明惡熱飲而喜寒飲故其為痛有惡寒惡熱之不同也有開口呻風則痛甚者腸胃中有風邪也有開口則穢臭不可近者腸胃中有積熱也或謂痛而齒動搖或謂痛而虫侵蝕又有齒縫踈豁飲食不便者比比是也大抵齒齦宜

露而動搖者腎元虛也治宜滋陰補腎為要憎寒
惡熱而口臭穢者胃氣熱也治宜安胃瀉火為良
其所謂風邪虫蝕之證蓋因熱生風而風生虫也
腸胃之火既平更加以擦牙誅虫之藥以治其標
無有不安之理也學者詳之

脈法

右寸關脈洪數或弦而洪腸胃中有風熱齒痛
尺脈洪大而虛者腎虛主齒動搖踈豁相火上炎
而痛

方法

丹溪方法
凡五條

丹溪曰牙疼或出血屬熱胃中有熱有風寒有虫

有濕熱實熱腫痛諸胃承氣加黃連又用升麻白
芷防風荆芥薄荷甘草桔梗之類外用梧桐淚射
香擦之

○灸法上片痛灸足三里二穴

在足陽明經膝下三寸胛骨外大筋內陷

中灸七
七壯

下片痛灸手三間二穴

在手大指次指本節後內側陷中手陽明大腸

經灸
十壯

○治虫牙痛用韭菜子以黃蠟包之外以瓦片燒紅
將韭子蠟丸置為其上又別糊一布袋如巨螺
樣上以小竹管為袋嘴將袋覆於蠟丸上以竹
管柱於齒竅中接烟薰之其虫即死而愈

○治走馬牙疳方其効如神

乾姜

南棗

各燒存性

枯白礬

右件各等分爲末付之即愈

○小兒走馬牙疳床一齊腐爛即死此方神効

婦人尿桶中白垢火燉一錢入銅綠二分射香

一分半付之立愈

○射香散治熱多寒少牙齦露肉脫血出齒動欲落

疼痛妨食惡寒少惡熱多

熟地黃

益智仁

當歸身

生地黄

麻黃根

酒漢防已

人參

升麻

草豈寇

黃連

羊脛骨灰

射香

右爲末先用溫水漱口淨擦之

○草豈寇散治寒多熱少牙齒疼痛

細辛葉

防風

羊脛骨灰

熟地黃

各半

當歸

草豈寇

黃連

升麻

各半

右爲細末如前法擦之

○羌活散治客寒犯腦及風寒湊襲腦痛項筋急牙

齒痛動搖肉齦祖脫疼痛

藁本

香白芷

桂枝

蒼朮

升麻

當歸身

草豈寇

羌活

各半

羊脛骨灰

麻黃

防風

柴胡

各半

羌活

各半

細辛

少

右為細末如前法擦之立愈

○白牙散

白芷分七 升麻分一 石膏半一錢 羊脛骨灰二錢

射香許步

右為細末如前法擦之立効

○獨聖散治一切牙痛風痺等證

比地蒺藜不拘多少陰乾

右為細末每用刷牙以熱漿水漱牙外簾末熬漿水刷牙大有神効

○立効散治牙齒痛不可忍微惡寒飲大惡熱飲其

脉上中下三部陰盛陽虛是五藏內盛六府陽

道脉微小小便滑數

細辛分三 炙甘草錢半 升麻分七 防風錢一

草龍膽酒洗三錢

右為細末作一服水一盞煎至七分去粗以匙抄在口中蝶痛處待少時則止○如多惡熱飲更加草龍膽一錢此法不定隨寒熱多少臨時加減 若更惡風作痛加豈菴黃連各五分 勿加草龍膽

○牢牙散治牙齦肉綻有根牙疳腫痛牙齒動搖欲

落牙齒不長牙黃口臭

羌活兩一 草龍膽酒洗兩半 羊脛骨灰兩二 升麻兩四

右為細末臨卧時貼牙齦上

○清胃散治因服熱藥或食辛熱之物致使上下牙疼痛不可忍牽引頭腦滿面發熱大痛足陽明之別絡入腦喜寒惡熱乃是手陽明經中熱盛而作也其齒喜冷惡熱

當歸身

黃連夏月倍用

生地黄酒制各三分

牡丹皮半錢

升麻一錢

右為細末作一服水一盞半煎至一盞瀝去粗帶涼服

東

○神功丸治多食肉人口臭不可近牙齒痒蝕牙齦肉將脫牙齒落血不止

蘭香葉如無藿香代之

當歸身

藿香葉

木香各一錢

升麻一錢

生地黄酒洗

甘草生各三錢

黃連酒洗

縮砂仁各五錢

右共為細末湯浸蒸餅為丸如棗豈大每服一百丸或加至二百丸止白湯下食遠服○此藥兼治血痢及血崩及血下不止血下褐色或紫色或黑色及腸瀉下血空心服米湯下其脉洪大而緩者及治麻木血氣上衝逆氣上行妄聞妄見者皆効

○祖傳經驗秘方治胃有實熱齒痛或上疔痛尤甚者用涼膈散以大黃酒蒸為君加知母石膏升

麻為佐類類含燕即愈

○又方治胃熱齒痛口臭穢不可近者用大黃荆條一二十片於火上煮溼入姜汁六分之一時時含燕甚效

○又擦牙止痛方

用黃蠶蜂窠一箇以川椒填滿其窠更以白益一錢封口燒存性入香白芷羊脛骨灰各一錢同研為細末先以清茶漱口淨然後以此藥擦之及付痛處如有虫蛀孔作痛以小許塞於孔中立愈

○又灸法亦妙

列缺二穴在手太陰肺經與陽明經相連又手取穴中指盡處又著其浮脉Y又之間灸七壯其痛立止永不復發

鼻病

六十四

論

內經曰西方白色入通於肺開竅于鼻又曰鼻者肺之外候丹溪曰肺之為藏其位高其體脆性惡寒又惡熱是故好飲熱酒者始則傷于肺藏鬱熱久則見於外而為鼻齏準赤之候得熱愈紅得寒則黑此謂熱極是水之象亢則害承迺制也其或觸冒風寒始則傷于皮毛而成鼻塞不通之候或

為濁涕或流清汁久而不已名曰鼻淵此為外寒
東內熱之証也原病式曰肺熱則出涕是也又有
膽移熱於腦則為辛頰鼻淵鼻中濁涕如湧泉不
滲而下久而不已則為鼻蠙衄血息肉鼻癰等證
醫者宜各以類推而治之無忽也

脉法

右寸脉浮洪而數為鼻衄鼻齧

左寸脉浮緩為傷風鼻塞鼻流清涕

方法

丹溪方法
凡七條

丹溪曰鼻為肺之竅因心肺上病而不利也有寒
有熱寒邪傷于皮毛氣不利而壅塞熱壅清道

氣不宜通寒則表之麻黃桂枝之類熱則清之
芩連施子之類

○面鼻紫黑面為陽中之陽鼻居面之中一身之血
運到面鼻皆為至清至精之血多酒之人酒氣
薰蒸面鼻得酒血為極熱熱血得寒汚濁凝結
而不行故色紫黑治宜化滯血生新血四物加
片芩酒煨紅花酒茯苓陳皮甘草生薑煎調五靈
脂末服氣弱者加黃芪酒

○酒齧鼻乃熱血入肺俗用方用梧桐子桐油入黃連
以天吊藤燒油熱付之

○又方用山硫黃入蘿蔔煨乳香輕粉烏頭尖酥調付

或用膽礬付之

○又方用山柘為末蜜蠟丸如彈子大空心嚼一九白湯下

○壅鼻息肉乃肺氣盛用枯礬研為末面脂調綿裹塞鼻中數日自消

○又方木通細辛附子炮蜜和綿裹塞鼻中又用防風通聖散加荆三稜山茱萸肉海藥并用酒浸炒為末每服一錢半酒調服之

○鼻淵膽移熱於腦則辛額鼻淵防風通聖散一淵加薄荷黃連各二錢半水煎服

○宜明防風湯治鼻淵腦熱滲下濁涕不止久而不

已必成衄血之疾

黃芩

人參

甘草

川芎

麥門冬去心各一兩

防風去蘆半兩

右為細末每服二錢沸湯調服食後服日三服

○麗澤通氣湯治鼻不聞香臭

黃芪

蒼朮

羌活

獨活

防風

升麻

青根各六分

炙甘草四分

麻黃冬月加節川椒

白芷各二分

右細切作一服加生姜三片棗二枚葱白三寸水二盞煎至一盞溫服食遠忌一切冷物及風寒涼處坐卧

○溫肺湯治鼻不聞香臭多眩淚

丁香二分 防風 炙甘草 葛根

羌活各半 升麻 黃芪各七分 麻黃不去節

右細切作一服水二盞葱白三根煎至一盞食

後溫服

○禦寒湯治寒氣風邪傷于皮毛令鼻壅塞欬嗽上喘

黃連 黃柏 羌活各二分 炙甘草

佛耳草 款冬花 白芷 防風各二分

升麻 人參 陳皮各半 蒼朮七分

黃芪一分

右細切作一服水二盞煎至一盞去粗食後服

○祖傳經驗秘方治鼻中時時流臭黃水甚者腦亦

時痛俗名控腦砂有虫食腦中用絲瓜藤近根

三五尺許燒存性為細末酒調服之即愈

○又方用治白牛毛根葉如白楊木葉焙乾為末吹

入鼻中立愈

血証四十

論

內經曰大怒則形氣絕而血危於上又曰怒則氣

逆甚則吐血又曰陽明厥逆喘欬身熱善驚衄吐

血又曰濕淫汗出為鼽衄又曰脾移熱于肝則為

驚衄胞移熱于膀胱則癢而溺血又曰結陰者便
血一升再結二升三結三升又曰卧則血歸肝肝
受血而能視肝者云目得血而能視此云足受血而
能步掌受血而能握指受血而能攝又曰心出血
肝納血肺出氣腎納氣夫人身之氣血者精性之
所依附並行不悖循環無端經曰一息不運則機
緘窮一毫不續則穹壤判若夫暴喜傷心則氣緩
而心不出血故肝無所受或暴怒傷肝則氣逆而
肝不納血故其血無所歸又苦房勞過度以致陰
火沸騰血從火起故錯經而妄行也是以從肺而
上溢于鼻者曰衄血從胃而上溢于口者曰嘔血
夫所謂咯血唾血者出于腎也咳血嗽血者出于
肺也又有痰帶血絲出者或從腎或從肺來也其
血出于小便者曰溺血曰血淋出于大便者曰腸
風痔血糞前來者曰近血糞後來者曰遠血流結
于腸胃之間而成積者曰血瘕血蟻大抵血從下
流者為順易治血從上溢者為逆難治丹溪曰口
鼻出血皆是陽盛陰虛有升無降血隨氣上越出
上竅法當補陰抑陽氣降則血歸經又曰諸見血
為熱証正經所謂知其要者一言而終不知其要
者流散無窮此之謂也

脉法

內經曰脈來如懸鈞為衄血常脈脈至而搏血衄
身熱者死腸澀下膿血脈弦絕則死滑大則生
血溫身熱者死

脈經曰脈得諸溢濡弱為亡血 脈來輕輕在肌
肉尺中自浮目睛暈黃衄血未止

太陽脈大而浮必衄吐血 病人面無血色無
寒熱脈沉弦者衄也

脈浮弱手按之絕者下血煩欬者必吐血
脈極虛芤遲為清穀亡血失精

脈芤為失血 瀯為少血 脈弦而緊脇痛肝
藏傷主有瘀血 吐血唾血脈滑小弱者生實

大者死

唾血脈堅強者死滑濡者生

方法 丹溪方注凡
二十七條

丹溪曰口鼻血出皆是陽盛陰虛有升無降血隨
氣上越出上竅法當補陰抑陽氣降則血歸

經

按此語雖見前論蓋一章
之大旨故重以示學者

○衄血涼血行血為主犀角地黄湯入鬱金

○一方用荊芥穗研服或用蘿蔔上半段杵汁服又
以汁滴入鼻竅中或灸大椎及啞門穴二三壯
俱可止之

○本草衍義以萱草葉洗淨研汁一盞入生姜汁三
分之一細細呷之治大熱衄血

○吐血是火載火上錯經妄行脉必大而芤大則發熱芤則失熱血

○大法四物湯加炒槐子童便姜汁竹瀝

○一方用韭汁或一云凡血逆行或吐血或唾血童便或見血膠氣用韭汁服之最妙

姜汁磨入鬱金飲之其血自清如無鬱金以山

茶花代之一云用鬱金末以姜汁童便和好酒

調服

○吐血大金良方四生丸甚妙亦治衄血

○又方童便調香附末服之

○又方童便二分酒一分搗側柏葉溫飲之

○吐血因有亦怒而得者經曰怒則氣逆甚則嘔血

○一方治吐血不止用乾姜炮為末童便調服

○山茱子最能清胃腕之血

○有先吐血後有痰者是陰虛火盛四物湯為主加

痰火藥若先吐痰而後血多者是積熱降痰火

為急

○有暴吐紫血成塊者是熱傷血結于中吐出為好

用四物湯加清熱等藥調之

○唾血鮮血隨出出于腎亦有痰血內積肺氣壅遏不

能下降用天門冬麥門冬知母貝母桔梗黃柏

熟地黄遠志或加乾姜

○咳血

嗽出痰盛心熱多是血虛用青黛瓜蒌仁

訶子貝母海石山梔子為末姜汁蜜丸噲化嗽

盛者加杏仁後以八物湯加減調理痰盛者宜更加痰藥

○咯血

用姜汁童便青黛入血藥中用四物湯地黄

膏牛膝膏之類有咯血痰帶血絲出者同治但宜加痰藥

○舌上無故出血

如線用槐花炒為末摻之一方用

蒲黃炒焦為末付之極妙

○大便下血

有熱有虛熱用四物湯加炒山梔子升

麻秦艽阿膠虛用四物湯加乾姜炮升麻

○便血

用白芷五倍子為丸服効

○便血有風邪

下陷者蓋風傷肝肝生血故也宜升

提之四物湯加防風荆芥升麻柴胡秦艽槐花

條芩地榆枳殼煎服

○有濕傷血者

宜行濕消熱蒼朮白朮黃連黃柏當

歸川芎芍藥地榆槐花水煎服之

○因積熱下血

用蒼朮陳皮各一兩半連翹五錢黃

連黃芩黃柏各七錢半炒為末生地黄膏丸服

○腸風下血

獨在胃與大腸出用黃芩秦艽槐角青

黛升麻

○一方用

大黃煨桃仁祛硃各三錢當歸檳榔皂角

仁黃栢荆芥穗枳殼各五錢蝟皮黃連秦

芫槐角子各一兩

右為末麩糊為丸如梧桐子大每服五十九白

湯送下如鮮血下甚者棕栳灰蓮房灰各五錢

○凡經血逆行或血腥或吐血唾血用韭汁服自清

○人參飲子治衄血

麥門冬錢一 當歸身錢一 人參 黃芪各半一錢

白芍藥 甘草各一錢 五味子九粒

右細切作一服水一盞半煎至一盞溫服

○痰涎雜血出于脾胃根黃芪芍藥黃連川歸沉香

末甘草水煎服

○三黃補血湯治吐血

黃芪 川歸 柴胡各一錢 熟地黃

川芎各半一錢 芍藥 生地黃各二錢 牡丹皮

升麻各半一錢

右細切作一服水二盞煎至一盞溫服

○一方治痰嗽吐血

紅花 杏仁去皮尖另研 桃杷葉拭去毛姜汁塗炙黃

紫苑茸 鹿茸炙 木通各一兩 大黃兩半

右為細末蜜丸龍眼大噲化

○黃芪散治欬血成勞

黃芪 麥門冬 熟地黃 桔梗

白芍藥各一錢 甘草半錢

○一方治痰帶血咳出
右細切作一服水一盞半煎至一盞去粗溫服

白朮半一盞

川歸

芍藥

牡丹皮各一

批仁半盞

批仁研

批仁七分半甘草三分麥門冬半

右細切水一盞半煎至一盞去粗溫服

○鷄種散治勞傷肺經欬有血

鷄種即薄

黃芪

生地黃

阿膠珠

具丑

白茅根各一

桔梗

麥門冬

蒲黃炒黑

甘草各半

細切水煎服

○薏苡仁散治肺損嗽血

薏苡仁不拘多少右一味研為細末以豬肺一箇

煮熟蘸藥食之

○又方用猪心一箇竹刀批開入沉香末一錢重大

半夏七箇入在心中帛包數重外以童子小便

沃濕漉火煨熟取去半夏吃之嗽血吐血皆効

○一方治溺血山梔子飲

梔子不拘多少

右為細末水煎連粗服之

○一方用小薊根琥珀二味為末水煎服之蓋二物

能治下焦熱結血淋

○又方治溺血神効

生地黃四分

小薊根

滑石

通草炒

菖黃炒

淡竹葉

藕節

當歸酒

山梔子炒黑

甘草炙各七分

右細切作一服水二盞煎至一盞去粗溫服

○治瀉血因血虛者用四物湯加牛膝膏服

○一方治瀉血用五苓散合四物湯煎服效

○凡用血藥不可單行單止又不可純用寒涼藥必

加辛溫升藥如加涼藥用酒煮酒炒之類乃寒

因熱用之法也

○一方治小兒屎血用甘草升麻煎湯調益元散

○犀角地黃湯治衄血及吐紅

犀角鎊

赤芍藥

牡用皮

生地黃

各一

右細切作一服水煎食後服

○四生丸治吐血衄血陽乘於陰血熱妄行

生荷葉

生艾葉

生地黃

生側柏葉

右各等分細研為丸如彈子大每服一九水煎

或益湯化下

○聖餅子治咯血

青黛蜜

杏仁

四十粒以黃蠟煎炒黃色

右研杏仁細入青黛捏作餅子用時以柿餅一

箇破開以藥餅置於柿中合宜濕帛包炮煨連

柿研細米飲調

○地榆湯治結陰便血不止漸而極多

地榆錢四

生甘草半錢

炙甘草錢一 縮砂另研七枚

右細切作一服水一盞半煎至一盞溫服

○結陰丹治結陰腸風藏毒下血等證

枳殼炒

歲靈仙

黃芪

陳皮

樗根皮

何首烏

荆芥穗各等分

右細末酒糊為丸如梧桐子大每服五七十九

清米飲入醋少許送下

○椿皮散治血痢及腸風下血神驗

樗根白皮二兩

槐角仁四兩

枯白礬二兩

炙甘草兩一

右為細末每服三錢清米飲調下

○烏梅丸治大便下血如神

殭蠶炒一兩

烏梅肉半兩

右為細末醋糊為丸醋湯下三五十九空心服

○槐花散治腸風藏毒下血

槐花炒

側栢葉村

荆芥穗

枳殼炒黃色

右各等分為末每服二錢空心米飲調下

○加減四物湯治腸風下血

側栢葉

生地黄

當歸

川芎各八分

枳殼炒

荆芥穗

槐花炒

甘草各四分

地榆

條黃芩

防風各六分

烏梅大者一箇

右細切作一服加生姜三片煎至一盞去相空

東

心温服

○當歸和血散治腸癖濕盡下血

槐花炒

青皮各六分

當歸身

升麻各一分

川芎四分

荆芥穗

熟地黃

白朮各六分

右為細末每服三錢米飲調下

東

○枳殼散東垣曰血清而色鮮者腸風血濁而黯者為膿毒糞前來者為近血糞後來為遠血此藥並皆治之

枳殼十兩炒黃色

甘草三錢炙

右為細末每服一錢空心米飲調送下酒煮黃連丸

方

○酒煮黃連丸

黃連去鬚十兩

好酒五

右將黃連細切以銀石器盛酒煮黃待乾盡為度焙乾為末麩糊為丸如梧桐子大每服三十丸空心服

方

○秘方枳殼湯治大便腸風下血

枳殼一兩炒黃色

黃連二兩以槐花四兩同炒去槐花不用

右二味量水煎濃汁食前温服

方

○槐角丸治五種腸風下血痔漏脫肛並皆治之

槐角

地榆

黃芩

當歸

防風

枳殼炒

右各等分爲細末酒麩糊爲丸如梧桐子大每服五十九空心清米飲送下

○升陽去熱和血湯治腸澼下血別作一派其唧唧然出者有力而遠四散如篩腸腹中作痛熱毒所作也

陳皮二分 熟地黄 當歸身 蒼朮

秦艽 肉桂各三分 生地黄 牡丹皮

生甘草各五分 升麻七分 炙甘草 黃芪各一錢

白芍藥半錢

右細切作一服水二盞煎至一盞食前稍熱服

○升陽補胃湯證治及詳見秘藏瀉痢門

○生地黄散治鬱熱衄血咯血吐血等證

枸杞子 柴胡 黃連 地骨皮

天門冬 白芍藥 甘草 黃芩

黃芪 生地黄 熟地黄各半錢

右細切作一服水一盞半煎至一盞溫服

○玉屑膏治熱血

黃芪 人參

右二味各等分爲末用蘿蔔大者切片厚一指許四五片蜜淹少時蘸蜜炙乾盡蜜二兩爲度勿令焦點藥末吃不拘時仍用鹽湯送下

○龍骨散治衄血不止凡九竅出血皆可止之

龍骨不拘多少

右一味細研吹入鼻中即止

○射香散治鼻衄不止

白礬枯

龍骨各五錢

射香一分

右各別研和勻每用時先以冷水洗鼻孔淨然後用藥吹入孔內或以濕紙擦蘸入亦妙

○經驗方治瀉血

百藥煎

一兩以半兩燒灰存性

右共研細飯丸如梧桐子大每服三四十九或以米湯調下末子二三錢亦可

○又方治前證用乾柿餅燒灰存性清米飲調下二三錢立止

○桃仁承氣湯治男子婦人血結胃手不可近及中

焦畜血妄言見鬼昏迷如狂及久病胃脘疼痛

畜血等証

○抵當湯治下部畜血臍下結痛滿硬等証

二方見傷寒門

○卅溪活套云凡諸見血證皆是陽盛陰虛君相二

火尤甚煎迫其血而出諸竅也悉宜四物湯加

知母黃柏補陰降火之劑為主治○如衄血欬

血或痰帶血絲出者皆從肺中來也本方加酒

洗薄黃芩茅花等藥以瀉肺火如嘔血吐血此

從胃中來也本方加石膏知母等藥以瀉胃火

○唾血咯血及潮熱欬血此血從腎中來也本

方用栝栢皆當以益酒炒更加肉桂一分許以
瀉腎火如小便血於溺竅中出溢數成淋作痛
或雜尿而出者從此膀胱中來也本方加栝子
仁瞿麥牛膝滑石之類以瀉膀胱之火○如小
便出血不痛者此心移熱於小腸故曰血從精
竅中出也本方加黃連栝子條芩之類以瀉本
經之火○大便未糞而血先來者謂之近血知
其從大腸中來也本方加檳榔枳實槐花條芩
之類以瀉大腸之火○如大便糞而血來者謂
之遠血知其從小腸中來也本方加水通草炒
黃連之類以瀉小腸之火○夫血出於口鼻者

或加犀角芩連之類以清之或加茅花藕節棕
栢灰炒蒲黃之類以止之或加韭汁童使山茶
花牡丹皮之類以消之○其血出於大便者或
加槐花側栢葉條芩之類以清之或加地榆荆
芥白芷芩根之類以止之○其血出於小便者
或加瞿麥麥門冬栝子仁之類以清之或加滑
石木通大小蓟之類以行之或行之或清之或
止之皆當視其新久緩急而施治之俱以四物
為君主之藥也

○祖傳經驗秘方

治小便溺血用車前草葉金陵草葉俗名墨二

味搗取自然汁一盞空腹飲之立止

○髮灰丸

用小兒胎髮如無以壯年無病人頭髮剪下者為上自落者次之燒灰細研別用新取側柏葉搗汁調糯米粉打糊為丸如梧桐子大每服五十丸白湯送下或煎四物湯送下尤妙空心服之

○又方治大便下血用葶竹葉燒灰存性米糊為丸如梧桐子大每服七八十丸空心米飲送下

○一男子四十余素年飲酒無度得大便下血證一日行廁二三次每次便血一升許予以四物湯加條芩防風荆芥白芷槐花等藥連日與服不効後用椽斗燒灰二錢七分調入前藥汁內服之又與灸脊中對臍一穴血遂止而平安其病自此不發

痔漏

四十八

論

經曰因而飽食筋脉橫解腸澀為痔又曰脾胃者倉廩之官五味出焉大腸者傳道之官變化出焉若夫飽食太過則脾氣倦甚不能運化精微朝傷暮損清濁混淆故食積下流於大腸之間而為病也蓋脾胃一虛肺氣亦乏而大腸之氣亦從而虛其肝木得以乘虛下流而為腸風病則是皆金失

所養木寡于畏之所為耳其為變見各狀種種不同曰牛姦曰鼠姦曰雞心曰鷄冠曰蓮花曰翻花曰蜂窠曰穿腸曰外痔曰雖為狀不一而其因則同為治法以苦寒瀉火芩連梔子槐花之類以辛溫和血川歸川芎桃仁之類風邪在下以秦艽防風升麻之類提之燥熱拂鬱以大黃枳殼麻仁之類潤之瀦此疾者自宜慎口節欲依法調治無有不安者也

脈法

脈沉小實者易治 浮洪而轉弱者難愈

方法

凡十條

○丹溪曰痔病因風熱燥歸于大腸也治血為主大法用芩涼大腸人參黃連生地黃槐角涼血生血當歸和血川芎升麻枳殼寬腸

○漏瘡先須用補藥以補氣血參芪歸朮為主大劑服之外以附子為末津和作餅子如錢厚以灸多灸之漏大者灸炷亦大漏小者灸炷亦小灸令微熱不可令痛餅乾即易之再和再灸又以補氣血藥作膏藥貼之

○一方治痔瘡腫痛用蝸牛一名蝸陰乾為末付之即愈或用香油浸蝸牛月餘而以其油抹之亦効
○洗藥用五倍子朴硝桑寄生蓮房煎湯先薰後洗

○又方治痔瘡風腫疼痛用胡麻子煎湯洗之其腫

即消

○又方用木鱉子五倍子共為細末調付

○寒藥用燼甘石煨以童子尿淬之牡蠣煨共為末付之

○又方用馬蘭草根研細付上片時看肉平去藥稍遲恐肉反出

○腸風獨在胃與大腸出用黃芩秦艽槐角青黛升麻

○一方用大黃煨桃仁去尖各三錢蠟皮多黃連秦艽槐角子各一當歸檳榔皂角仁黃栢炒荆芥枳

殼各五錢為末麩糊為丸如梧桐子大每服五十丸白湯下如下鮮血者加棕招灰蓮房灰

○秦艽羌活湯治痔漏成塊下垂不任其痒

羌活二錢秦艽一錢黃芪各一防風去蘆七分

升麻 炙甘草 麻黃 柴胡各五分

葉本三分細辛 紅花各少許

右為細切作一服水煎服忌寒風起大小便

○秦艽蒼朮湯治痔核已破謂之痔漏大便秘澀必作大痛此濕熱風燥四氣合而為病故大腸頭成塊者濕也作大痛者風也大便秘結者兼受火邪也其西方肺金主氣其體收下亦助病為

邪須當用破氣藥兼之其効如神

秦艽去蘆

桃仁去皮尖

皂角仁燒存性

蒼朮米泔洗

防風各七

黃柏酒洗

當歸酒洗

澤瀉各三

檳榔二分

大黃詩雖大便過亦不可多用

右件除檳榔桃仁皂角仁三味別研外餘藥細

切作一服水三盞煎至一盞二分去粗入檳榔

等三味末了再上火煎至一盞空心熱服待少

時以美膳壓之不犯胃氣也服藥日忌生冷硬

物及酒濕麩大料椒姜等物若犯之其藥無効

如有白膿加白葵花頭五朶去萼心青皮半入

垣東

正藥中同煎木香三分為細末同檳榔等三味
依前煎服餌古人治此疾多以歲月待除之惟
此藥一服即愈

○秦艽當歸湯治痔漏大便結燥疼痛

大黃煨四

秦艽去蘆

枳實各一

澤瀉

當歸梢

皂角仁

白朮各五

紅花少

桃仁二十箇去尖研細

右細切作一服水三盞煎至一盞食前服忌前

○秦艽防風湯治痔漏每日大便時發疼痛如無疼

痛者非痔漏也此藥主之

秦艽

防風

當歸身

白朮各半

東垣

炙甘草 澤瀉各六分 黃栢酒洗五分 大黃煨
陳皮各三分 柴胡 升麻各二分 桃仁三十箇
紅花許少

右細切作一服水三盞煎至一盞去粗稍熟空心服之避風寒忌房事酒濕麪大辛熱之物

○當歸郁李仁湯治痔漏大便硬努出大腸頭下血

苦痛

郁李仁 皂角仁各一錢 枳實七分 秦艽去蘆
麻仁 當歸梢 生地黃 蒼朮各半
大黃煨 澤瀉各三分

右細切作一服除皂角仁為末用水三盞煎至

東垣

一盞去粗入皂角仁末和勻空心服忌如前

○紅花桃仁湯治痔漏經年因而飽食筋脈橫解腸

澀為痔治法當補北方瀉中央

黃栢半一錢 生地黃錢一 澤瀉八分 蒼朮六分
當歸梢 漢防已 防風梢 猪苓各半
麻仁二分 紅花許少 桃仁十箇

右細切作一服水三盞煎至一盞去粗稍熟服

忌如前

○七聖丸治大腸疼痛不可忍脉訣云積氣生於脾

藏傍大腸疼痛陣難當但令稍瀉三焦火莫慢

多方立紀綱

東垣

羌活兩一

郁李仁研湯一兩五錢

大黃煨八錢

檳榔 桂心 木香

川芎各五錢

右除郁李仁研細別入外其餘共為細末煉蜜為丸如梧桐子大每服三五十九白湯下食前服取微利一服而愈切禁不得多利大便其痛滋甚

東

○秦艽白朮丸治痔疾并漏有膿血大便燥硬疼痛不可忍

秦艽去蘆

桃仁去皮

皂角仁燒存性

當歸梢酒浸

澤瀉

枳實煨炒

白朮各五錢

地榆三錢

右為細末和桃仁泥再研勻麩糊為丸如鷄頭實大令藥光滑焙乾每服五七十九白湯空心下待少時以美膳壓之忌生冷硬物冷水冷菜之類并酒濕麩及辛熱大料熱物犯之則藥無驗也

○脫肛證

症音工下部病也俗作肛非

屬氣血虛與熱氣虛參芪升麻川芎血虛四物湯熱加黃柏外以五倍子為末托而上之一次未收至五次七次必收

○又方以陳壁土泡湯先薰後洗

○又方以驚頭燒存性為末真麻油調付即收龜頭亦可

○祖傳經驗秘方七花九治腸風下血又痔皆効

山茶花 芙蓉花 石榴花 檢漆花

松花 白茅花已上各一兩 槐花二兩炒

枳殼炒一兩 甘草炙半 地榆一錢

檳榔二錢

右為細末醋調麩糊為丸梧桐子大每服七八十九煎烏梅湯下

○又方治腸風下血等証

乾柿餅燒存性 酒瓶箸包酒過一年者或二

烏梅燒存性已上 百藥煎子一兩如無以五倍

槐花半兩炒 枳殼半兩

右為細末醋糊為丸如梧桐子大每服七八十九醋湯下或加檳榔半兩

汗証九十四

論

內經曰心之液為汗原病式曰心熱則出汗東垣曰西南坤土也在人則為脾胃夫人之汗猶天地之雨陰滋其濕則為霧露為雨也據內經獨主於心而東垣又指脾胃而言何也蓋心為君火主熱脾胃屬土主濕濕熱相搏為汗明矣亦如地之濕

氣為雲霧而上升其天地若不下降則不能成雲
雨也又如甑中燒酒若非湯火蒸淘則不能成汗
液也夫各藏皆能令人出汗獨心與脾胃主濕熱
乃搦司耳故內經又曰飲食飽甚汗出於胃驚而
奪精汗出於心持重遠行汗出於腎疾走恐懼汗
出於肝搖體勞苦汗出於脾若夫自汗與盜汗者
病似而實不同也其自汗者無時而濺濺然出動
則為甚屬陽虛胃氣之所司也盜汗者寐中而通
身如浴覺來方知屬陰虛榮血之所主也大抵自
汗宜補陽調衛盜汗宜補陰降火則大法心虛冷
汗自出者理宜補肝益火之原以消陰翳也陰虛

火灸者法當補腎泔水之主以制陽光也醫者宜
詳辨之母錯

脉法

脉大而虛浮而轉者汗在寸為自汗在尺為盜汗
傷寒脉陰陽俱緊當無汗若自汗者曰亡陽不治

方法

丹溪方法
凡四條

丹溪曰自汗屬氣虛屬濕與熱盜汗屬血與陰虛

火氣上蒸胃中之濕亦能作汗涼膈散主之

○治自汗用人參黃芪少佐以桂枝陽虛者附子亦
可用

○痰病亦有汗者

東

○麥煎湯治諸虛不足及新病暴虛津液虧欠體常自汗夜卧則甚久而不止體瘦心忪驚惕短氣疲倦

牡蠣

黃芪

麻黃根 各一

右細切作一服入小麥百餘粒水煎服

東

○調衛湯治濕勝自汗補衛氣虛弱表虛不任風寒

黃芪

麻黃根 各一

羌活 仁

生甘草

當歸梢 各五分

生地黄

麥門冬 各三分

生黃芩

半夏 各五分

猪苓 二分

蕪木

紅花 各一分

五味子 七粒

愚恐自汗陽虛之証不應下羌活半夏生薑三味辛散發表之劑忍

傳寫之誤姑存之

右細切作一服加生薑三片水二盞煎至一盞

去粗稍熱服

○當歸六黃湯盜汗之聖藥也

當歸 錢一

生地黄

熟地黄

黃柏 各七分

黃芪 錢一

黃連 七分

黃芩 七分

右細切作一服水二盞煎至一盞食前溫服小

兒減半又曰小兒不須治病兒雖能自愈然不

難

○黃芩建中湯治自汗及盜汗皆効

方見傷寒門桂枝湯或加淨小

尤妙

入治

問河

○四制白朮散治盜汗

白朮四兩內一兩以牡蠣同炒一兩以石解同炒一兩以皆去之

右取白朮一味為末每服三錢粟米湯調下

○正氣湯治盜汗

黃栢 知母各半 甘草炙半

右細切水煎服之

○白朮散治飲酒中風多汗食即汗出如油漏久不

治必成消渴

牡蠣三錢 白朮一兩二錢半 防風二兩

右為細末每服一錢溫水調下不計時候如惡

藥

風倍防風白朮如多汗面腫倍牡蠣

○丹溪活套云仲景桂枝湯治外感風邪自汗之聖

藥也黃芪建中湯治外感挾氣虛自汗之劑也東垣補中益氣湯內治傷寒氣虛自汗之妙劑也甚者六脉浮濡而虛本方加附子以治陽虛其効如鼓應桴○如左寸脉浮洪而自汗者心火炎也本方倍參芪加麥門冬五味子黃連各半錢○如左關脉浮弦而自汗者挾風邪也本方加桂枝芍藥各半錢若不陰虛只有桂枝湯可用也○右關脉浮洪無力而自汗者只因本方倍參芪而自愈○右尺脉洪數無力而自汗

者或盜汗相火挾君火之勢而尅伐肺金也本方加黃連黃芩黃柏各半錢只用當歸六黃湯○左尺脉浮洪無力而自汗者水虧火盛也本方加知朮黃柏各半錢熟地黃一錢壯水之主以制陽光也○凡內傷及一切虛損之證自汗不休者總用補中益氣湯少加附子麻黃根淨小麥其効捷如影響但升麻柴胡俱用蜜水製炒以殺其升發勇悍之性又欲其引參芪等藥至肌表故不可缺也○凡上所云皆指內傷虛損自汗之證故皆以補中益氣爲主治之藥也○上湖呂俊文得內傷虛証發熱自汗如雨不止服

補中益氣湯十數貼不効予以前方加減每貼用蜜制黃芪一錢半人參一錢白朮甘草陳皮各七分當歸白芍藥各一錢升麻柴胡各一分加桂枝三分麻黃根七分浮小麥一撮炮附子三分三貼而汗止熱亦退而安

瘧病

五十

論

內經曰諸瘧瘧當作瘧項強皆屬於濕王注云太陽濕也又曰諸暴強直皆屬於風王注云陽明鬱於外也原病式曰筋勁強直而不柔和也夫肝木屬風而主筋經曰諸暴強直屬風理宜然也其所謂諸瘧項強而

屬於濕者何與蓋太陽陰濕甚則兼風化亢則害
承廼制也是故知瘧之為病濕為本風為標耳故
仲景有剛柔二瘧之分不可不辨蓋剛為陽瘧而
柔為陰瘧也若夫太陽發惡熱無汗惡寒脉弦長
脛急胃滿口禁手足攣急咬牙眼閉甚則搐搦角
弓反張此為剛瘧太陽微熱多汗不惡寒脉遲濡
弦細四體不收時時搐搦閉目合口此為柔瘧大
抵因風濕二氣襲於太陽之經亦有輕重之分其
風氣勝者為剛瘧風性剛急故也濕氣勝者為柔
瘧濕性柔和故也外有諸虛之候表虛不任風寒
亦能成瘧是以或產後或金瘡或跌仆撲傷癱疽
潰膿之後一切去血過多之證皆能成此疾也是
乃虛為本而風為標耳亦有絕無風邪而亦能使
入筋脉攣急而為角弓反張之候者血脫無以養
筋故也丹溪甚言不可作風治而用風藥恐反燥
其餘血而致不救也可不慎與

小法

脉經曰太陽病發熱其脉沉而細者為瘧

瘧脉來按之築築然而弦直上下行

瘧家其脉伏堅直上下

瘧病發其汗已其脉濇濇然如蛇暴腹脹大為
欲解脉如故反伏弦者必瘧

此瘧字恐當作死字

太陽脉其證候身體強凡凡然脉沉遲此為瘧
瓜蒌桂枝湯主之

方法丹溪方法
凡二條

丹溪曰大率與痢相似比痢為虛切不可作風治
而純用風藥多屬氣血虛有火有痰宜補兼降
痰火參芪芎歸竹瀝之類

○一方治少年痘瘡靨後成瘧口禁不開四肢強直
時或遶臍腹痛一陣則冷汗如雨痛定汗止脉
極強緊如直弦先因勞倦傷血瘡後血愈虛而
又感風寒當用溫藥養血辛涼散風芎藥當歸
為君川芎青皮釣鈎藤為臣白朮甘草為佐桂

入活

枝木香黃連為使更加紅花少許水煎服愈

○括萎桂枝湯治太陽傷寒成瘧

括萎根 甘草炙 桂枝 芍藥

生薑各三兩 大棗十二枚

右六味細切作一服以水九升煮取三升作三
服連飲取微汗如汗不出少頃以熱粥湯發之
○葛根湯治太陽病無汗而小便反少氣上衝胃口
禁不得語欲作剛瘧方見傷寒門

入活

○麻黃葛根湯治剛瘧無汗惡寒

麻黃 赤芍藥各三錢 乾葛四錢 薑豉半合

右細切作一服水二大盞葱白三莖煎八分稍

入活

熱服

○大承氣湯治剛痊大便實熱方見傷寒門

○桂枝葛根湯治柔痊有汗不惡寒方見傷寒門

○桂枝栝蒌根湯治柔痊通用方見中風門

○小續命湯治剛柔二痊通用方見中風門

○防風當歸散治發汗過多發熱頭搖口噤背反張

者宜去風養血

防風 當歸 川芎 生地黄各二錢半

右細切作一服水煎服

○當歸補血湯治一切去血過多因無血養筋令人

四肢攣急口禁如痊

黃芪兩一

當歸五錢酒洗淨

右細切作一服水二盞煎至一盞溫服○如挾

風或兼破傷風者加防風羌活各一錢荆芥穗

一錢半甘草半錢減去黃芪一半煎服

○活人舉卿舉散治新產血虛發痊者汗後中風

發熱亦然荆芥穗不拘多少

右為末每服三五錢外以大豆黃卷以熱酒沃

之去黃卷用汁調下其効如神

○丹溪活套云昔之所謂剛柔二痊者當以虛實論

之是也一屬外感一屬內傷屬外感者為剛痊

宜用麻黃葛根湯栝蒌桂枝湯小續命湯在裏

者大承氣湯之類○屬內傷者為柔瘧宜用補
中益氣湯八物湯四物湯之類如以風濕二事
分剛柔而治恐誤醫者不勝其多今以虛實分
治其理昭然無疑矣

○陶氏婦年三十餘身材小瑣形瘦弱月經數忽後
日發瘧口噤手足攣縮角弓反張予知其去血
過多風邪乘虛而入用四物湯加防風羌活荆
芥少加附子行經二貼病減半六貼病全安

厥証

五十

論

內經曰陽氣衰於下則為寒厥陰氣衰於下則為

熱厥又曰寒厥者此人質壯以秋冬奪於所用下
氣上爭不能復精氣溢下邪氣因從之而上也氣
因於中由陽衰不能滲管其經絡陽氣日損陰氣
獨在故手足為之寒也熱厥者此人必醉飽入房
精氣中虛酒入於胃則絡脉滿而經脉虛脾主為
胃行其津液者也陰氣虛則陽氣入陽氣入則胃
不和胃不和則精氣竭精氣竭則不能滲管其四
肢也氣聚於脾中不得散酒氣與穀氣相薄熱盛
於中故熱遍於身內熱而溺赤也胃氣日衰陽氣
獨盛故手足為之熱也又陰氣盛於上則下虛下
虛則腹滿腹滿則下氣重上而邪氣厥厥則陽氣

亂陽氣亂則令人暴仆不知人或至半日遠至一日乃知人也名曰尸厥考之張仲景傷寒論陰陽二厥之證皆指手足逆冷而言也河間原病式曰陰厥者原病脈候皆為陰證身涼不渴脈遲而微陽厥者原病脈候皆為陽証煩渴譫妄身熱而脈數若陽厥極深或失下而至於身冷反見陰証脈微欲絕而死者此為極熱而然俗醫妄謂變成陰證急用熱藥助其陽氣以致十無一生也愚按內經所謂寒熱二厥者皆常病虛損證也並宜補益之法但熱厥補陰寒厥當補陽耳正經所謂壯水之主以鎮陽光益火之原以消陰翳也若夫傷寒

論所謂陰陽二厥者冰炭殊途治法亦異診察之間死生反掌醫者其可不盡心乎

脈法

脈經曰寸口沉大而滑沉則為實滑則為氣實氣相搏血氣入於藏則死入於府則愈此為卒厥不知人唇青身冷為入藏即死如身溫和汗自出為入府而後自愈

活人書云陽厥脈滑而沉實陰厥脈細而沉伏

方法

丹溪方法
凡一條

○丹溪曰厥因氣虛血虛者多氣虛脈細血虛脈大如葱管熱厥脈數外感脈浮而實有痰者脈弦熱

用承氣湯痰用白朮竹瀝外感宜解散藥中加姜汁服

○活人書曰初得病身熱頭痛大便秘小便赤或畏熱或飲水或揚手擲足煩燥不得安卧譫語昏憤而厥此陽厥也大柴胡湯大小承氣湯治之渴者白虎湯妙○手足厥冷脈乍結此邪氣結在胃心下煩滿飢不能食瓜蒂散吐之○寒熱而厥面色不澤冒昧兩手忽無脈或一手無脈必是有正汗也多用綿衣包手足急脹五味子湯或兼與桂枝麻黃各半湯須臾大汗而解○傷寒厥逆心下怔忡者宜先治水茯苓甘草湯

主之○如得病後四肢逆冷脈沉而細足攣卧而惡寒引衣蓋覆不欲水或下利清穀而厥逆者陰厥也四逆湯白通湯厥逆脈不至者通脈四逆湯手足指頭微寒者謂之清理中湯無熱証而厥常歸四逆加茱萸生薑湯喘促脈伏而厥五味子湯吐利手足厥冷煩燥欲死吳茱萸湯

活人

○五味子湯治陽厥脈伏手足逆冷

五味子

兩

人參

麥門冬

杏仁

陳皮

半兩

右細切用水三盞生薑十片棗二枚煎至一盞

半去粗分作二服

○桂枝麻黃各半湯方元傷寒門

○茯苓甘草湯治嘔厥怔忡手足厥逆心下水氣

茯苓各二錢 桂枝各二錢 甘草各一錢 生姜三兩

右細切作一服水一盞半煎至一盞去粗溫服

○通脈四逆湯治證陰厥下利清穀四肢逆冷脈微

甘草六錢 附子大者一枚生用 乾姜兩一

如面赤者加葱九莖嘔者加生姜咽痛加桔梗

利止脈不出加入參用水三大盞煎至一盞半

去粗分作二服

○當歸四逆加茱萸生姜湯治無熱證而厥

人活

當歸 芍藥 桂枝 細辛各一兩

甘草六錢 通草各六錢 茱萸三錢 生姜六錢

右細切水三升煮至一升半分三服

○吳茱萸湯治陰厥吐利手足逆冷煩燥欲死

吳茱萸 生姜各五錢 人參二錢半

右細切作一服水二盞煎至一盞半大棗一枚服

○藶合香丸治卒厥不知人未詳風痰氣厥先與此

藥極妙每用一九以湯調化灌之即醒醒後察

脈而用他藥

○丹溪活套云熱厥四肢煩熱蓋濕熱鬱于脾土之

中用東垣升陽散火湯火鬱湯之類寒厥手足

方局

人活

人活

厥冷者多是氣血不足補氣血藥加附子飲酒
人或體肥盛人手足熱者濕痰鬱火盛也二陳
湯加苓連梔子之類若忽然手足逆冷卒厥不
知人者多屬痰火亦有陰先虧而陽蒸熱者宜
多用參膏兼竹瀝姜汁與之人瘦弱者雖無痰
而火亦盛也服竹瀝亦能養血而降火

癩狂癩証

二十五

論

內經曰巨陽之厥則腫首頭重足不能行發為聾
仆聾聾其目也是蓋陽氣逆亂故令人卒然暴仆而
不知人氣復則甦此則癩之類也又曰陽明之厥

則顛疾欲走呼腹滿不得卧面赤而熱妄見妄言
又曰甚則棄衣而走登高而歌踰垣上屋罵詈不
避親疎是蓋得之於陽氣太盛胃與大腸實熱燥
火鬱結于中而為之耳此則顛狂之候也曰顛曰
狂分而言之亦有異乎難經謂重陰者顛重陽者
狂素問註云多喜為顛多怒為狂然則喜屬於心
而怒屬於肝乃二藏相火有餘之證難經陰陽之
說恐非理也夫抵狂為痰火實盛顛為心血不足
多為求望高遠不得志者有之癩病獨主乎痰因
火動之所作也治法癩宜乎吐狂宜乎下顛則宜
乎安神養血兼降痰火雖然此三證者若神脫而

目眩如愚痴者縱有千金我酬吾未如之何也已矣

脈法

脈大堅疾者顛狂

脈虛弦為驚為風癩

脈沉數為痰熱

脈大滑者自已

沉小急疾者死

虛而弦急者死

寸口沉大而滑沉則為實滑則為氣實氣相搏入藏則死入府則愈丹溪曰癲狂脈虛易治實者難治

○方法丹溪方法凡五條

丹溪曰癩證大率屬痰與驚不必分五等大法行痰為主藥用黃連南星瓜萎半夏尋火尋痰分

多少治無不愈者有熱者用涼藥以清心有痰者必用吐吐後用東垣安神丸及平肝之藥青

黛柴胡川芎之類

○癲狂原病式所論甚精蓋以世以重陰為癲重陽

為狂誤也大槩皆是熱耳盧氏曰重陰重陽之

謂素問註云多喜為顛多怒為狂五志所發皆為熱也心熱甚則多喜火旺則金不得平木則肝實而多怒也又發熱于中則多干陽明經謂陽明之厥則顛疾又謂服膏粱芳草石藥則熱氣慄悍發為顛狂此原重式本素問之論以明顛狂俱是熱病而病陰之說非也

○大率多因痰結於心胃間宜開痰鎮心神亦有中

邪者以治邪法治之

○神不守舍狂言妄作經年不愈如心經蓄熱當清

愈
心除熱如痰迷心竅當去痰寧心宜大吐大下

○一方治癩證用大蝙蝠一箇以硃砂三錢填入腹內以新瓦盛火炙令皮焦酥為度候冷為細末每一箇分作四服氣弱及年幼者作五服空心白湯調下

○龍腦安神丸治男女五般癩癩無問遠近發作無

時

| | | | | |
|-----|----|-----|-----|-----|
| 扶神 | 三 | 人參 | 地骨皮 | 甘草 |
| 麥門冬 | 兩 | 桑白皮 | 各二 | 馬牙硝 |
| 麝香 | 各三 | 牛黃 | 錢五 | 硃砂 |
| | | | | 半二錢 |
| | | | | 烏犀砂 |
| | | | | 兩一 |

金箔三斤

右為細末煉蜜為丸如彈子大金箔為衣如風癩病冬月溫水化下夏月涼水化下不拘時二三歲者日進二服大人每服一九小兒一九分作二丸服虛勞發熱欬嗽新汲水化下

○神應丹治諸癩

辰砂不拘多少研細
右以猪心血和得所以蒸餅裹劑蒸熟取出就丸如梧桐子大每服一九食後臨卧煎人參湯下

○錢氏五色丸治諸癩

硃砂半兩另研 水銀二錢 雄黃一兩 玳瑁一兩另研
鈆水同熬

右和勻再研極細麩糊為丸如麻子大每服三四丸別煎金銀薄荷湯送下

○元戎二白丸治痰涎為病患以致癩癩狂妄驚悸等證

白礬一兩 輕粉一字或半錢

右用生蒸餅劑裹蒸熟去皮可丸入輕粉丸如梧桐子大每服二三十丸生姜湯下小兒如黍米大

○拔萃妙香丸治時毒傷寒解五毒潮熱積熱及小

兒驚癇等証

辰砂另研 龍腦 膩粉 射香各五錢

牛黃五錢 金箔九十片 巴豆二百粒 油二十五

右合研勻煉蜜為丸每兩分作三十丸米飲下

○子和硃砂滾涎丸治五癇等証

硃砂 白礬生用 赤石脂 硝石各等分

右為細末研蒜膏為丸如菉荳大每服三十九食後荆芥湯下

○局方碧霞丹治痰涎壅塞牙關緊急目睛上視癩癩狂妄等証

石綠半兩另研 附子尖 烏頭尖 蝎梢各二箇

右為末入石綠令勻麩糊為丸如鷄頭實大每服一九薄荷湯化下更以溫酒半合飲之須臾吐出痰涎然後隨證以他藥治之如口禁者擗開灌之

○控涎丹治痰迷心竅狂言謔語如有所見方見痰飲門

○牛黃瀉心湯治心經邪熱狂言妄語妄神不安

腦子研 牛黃研 硃砂另研各一錢半 大黃生一兩

右各研為細末和勻再研每服三錢涼生薑蜜水調下

○牛黃清心丸治心氣不足神志不定驚恐顛狂語言謔妄虛煩少睡甚至棄衣而走登高而歌踰

垣上屋等證

羚羊角末一兩 人參去蘆二兩 白茯苓二兩

川芎一兩 防風去蘆一兩 阿膠炒半兩

乾姜炒半兩 白朮半兩 牛黃研一兩

射香研一兩 犀角末二兩 雄黃研飛八錢

龍腦研一兩 金箔一千四百片為衣 白芍藥半兩

柴胡去芦二錢 甘草五錢 乾山藥兩

麥門冬去心一兩 桔梗去蘆一兩

杏仁去皮尖及雙仁者炒 黃芩去一兩

神麩炒二兩 大棗皮核研成膏 白斂半兩

蒲黃炒二兩 大葶黃卷一兩 當歸去頭一兩

肉桂去皮一兩

右除棗杏仁金箔外牛黃龍腦射香雄黃四味
研為細末入餘藥和勻煉蜜入棗膏為丸每兩
作十九金箔為衣每服一九食後溫水化下

○丹溪活套云五志之火因七情而起鬱而成痰故
為癲癩狂妄之證宜以人事制之非藥石所能
療也須診察其由以平之怒傷於肝者為狂為
癩以憂勝之以恐解之喜傷于心者為顛為癩
以恐勝之以怒解之憂傷于肺者為癩為顛以
喜勝之以怒解之思傷于脾者為癩為顛為狂
以怒勝之以喜解之恐傷于腎者為顛為癩以

思勝之以憂解之驚傷于膽者為顛以憂勝之
以恐解之悲傷于心胞者為顛以恐勝之以怒
解之此法惟賢者能之耳

○祖傳經驗秘方治癲癩神効

九節菖蒲一味不拘多少不聞雞犬
聲者佳去毛焙乾

右以木臼杵為細末不能犯鐵器用黑犢猪心
以竹刀批開沙灌煮湯送下每日空心服二三
錢

邪祟 五十

論

內經曰邪氣盛則實正氣奪則虛夫經之所謂邪

者風寒暑濕燥火有餘之淫邪耳非若世俗所謂鬼神之妖怪也病有心虛驚惕如醉如痴如為邪鬼所附或陽明內實以致登高而歌棄衣而走皆痰火之所為實非妖邪祟之所迷也古雖有禁咒一科及龍樹咒法之治皆移精變氣之術但可解疑釋惑以使心神之歸正耳何邪祟之可祛哉丹溪曰血氣者心之神也神既衰乏邪因而入理或有之按此恐指山谷若夫血氣兩虛痰塞心胃妨碍升降不得運行以致十二官各失其職視聽言動皆為虛妄以邪治之其人必死可不審乎

脉法

脉乍疎乍數乍大乍小或促或結皆邪脉也

脉緊而急者遁屍

方法

丹溪曰俗云衝惡者謂衝片邪惡鬼祟而病也如病此者未有不因氣血先虧而致者焉

○素問遺篇曰人憂愁思慮則傷心又驚而奪精汗出於心或遇少陰司天天數不及因而三虛神明失守蓋心為君主之官神明出焉神既失守神光不聚却遇火不及歲有黑屍鬼見之令人暴亡治法刺手少陽之所過陽池穴也復刺心膻即生○人飲食勞倦則傷脾又飲食飽甚汗

出於胃醉飽入房汗出於脾或遇太陰司天天
數不及因而三虛脾神不守蓋脾為諫議之官
志意出焉神既失守神光不聚却遇土不及歲
有青屍鬼見之令人暴亡可刺足陽明之所過
衝陽穴也復刺脾腧即生○人又坐濕地強力
入水則傷腎又遇持重遠行汗出於腎或遇太
陽司天天數不及因而三虛腎神不守蓋腎為
作強之官伎巧出焉神既失守神光不聚却遇
水不及歲有黃屍鬼見之令人暴亡可刺足太
陽之所過京骨穴也復刺腎腧即生○人恚怒
氣逆則傷肝又遇疾走恐懼汗出於肝或遇厥

陰司天天數不及因而三虛肝神不守蓋肝為
將軍之官謀慮出焉神既失守神光不聚却遇
木不及歲有白屍鬼見之令人暴亡可刺足少
陽之所過兵墟穴也復刺肝腧即生○人形寒
飲冷則傷肺復登高疾走喘出於肺或遇陽明
司天天數不及因而三虛肺神不守蓋肺為相
傳之官治節出焉神既失守神光不聚却遇金
不及歲有赤尸鬼見之令人暴亡可刺手陽明
之所過合谷穴也復刺肺腧即生愚按人見五
色非常之鬼
皆自巳精神不守神光不完故耳實非外邪所
倚乃元氣極虛之候也因患者親目所視其實
信真為邪鬼所迷但當推其同行同
坐者不見有物足可以決此數耳

五邪刺法

○肝虛見白屍鬼而後暴厥不知人名曰卒屍五邪病名
並目中神彩不變四肢雖冷心腹尚溫口中無涎舌不卷卵不縮者可刺之復甦

兵墟二穴在足外踝下如前陷中去臨泣穴五寸足少陽之原也以毫鍼刺入三分得氣則補留三呼徐徐出鍼按口中閉氣腹中鳴者可治更

刺肝膈

肝膈二穴在背第九椎下兩傍各一寸半以毫鍼刺三分得氣則補留三呼次進二分留三呼復取鍼至三分留一呼徐徐出鍼氣及即甦

○心虛見黑屍鬼而後暴厥不知人四肢雖冷目中精彩不變氣雖閉絕舌不卷卵不縮未出一時可治刺之復甦陽池二穴在手表腕陷中手少陽之原也用毫鍼刺入二分得氣則補留七呼次進一分留三呼復退留一呼徐徐出鍼手捫其穴更刺心膈

心膈二穴在背第五椎下兩傍各一寸半用毫鍼刺入七分得氣則補留一呼次進一分留一呼退至二分留三呼徐徐出鍼以手捫其穴即甦
○脾虛見青屍鬼而後暴厥不知人四肢冷而身溫唇溫不出一時可治

衝陽二穴在足趺上骨間動脈去陷谷三寸足陽明之原以毫鍼刺入三分得氣則補留三呼次進二分留一呼徐徐退鍼以手捫之復刺脾

脾腧二穴在背第十一椎下兩傍各一寸半以毫鍼刺入三分得氣則補留二呼進二分動氣至徐徐出鍼即甦

○肺虛見赤屍鬼而後暴厥不知人雖無氣手足冷心腹溫鼻微溫目中神彩不變口中無涎舌不卷卵不縮者未出一時可治

合谷二穴在手大指次指兩岐骨間手陽明之

原也用毫鍼刺入三分得氣則補留三呼復退一分留一呼徐徐出鍼以手捫其穴復刺肺腧肺腧二穴在背第三椎下各一寸半用毫鍼刺入一寸半得氣則補留三呼次進二分留一呼徐徐出鍼以手捫穴即甦

○腎虛見黃屍鬼而後暴厥不知人氣絕四肢厥冷心腹微溫目中精彩不變唇舌不黑口中無涎可救

京骨二穴在足外側太骨下赤白肉際陷中足太陽之原用毫鍼刺入一分半得氣則補留三呼進至三分留一呼徐徐出鍼以手捫穴復刺

足少陽之膻

足少陰之膻在背第十四椎下兩傍各一寸半用毫針刺入三分得氣則補留三呼次又進五分留三呼徐徐出針以手捫其穴即甦凡以上刺法必先以口含鍼煖而刺之則經脈之氣無拒逆也

○丹溪治一婦人如癩或作或輟恍惚不省人事一日略蘇醒診視間忽聞床上有香氣繼又無所知識丹溪曰氣因血虛亦從而虛邪因虛入理或有之遂以秦承祖灸鬼法灸治病者哀告曰我自去我自去即愈

○秦承祖灸鬼法治一切驚狂謔妄踰垣上屋罵詈不避親疎等証

以病者兩手大拇指用細麻繩扎縛定以大艾炷置於其中兩介甲及兩指角肉四處著火一處不著即無効灸七壯神驗

○還魂丹治中惡已死

麻黃三 桂枝二 杏仁十二

右作一服水煎灌下即醒

○桃奴丸治心氣虛怯有熱屍注魘夢驚癩等証

桃奴即桃木上落乾此 辰砂半兩
桃奴十二月杪七箇另研 琥珀另研
桃仁十四箇 玳瑁一 琥珀三錢

七十八

烏犀角五錢石上水磨

牛黃一錢另研

龍腦二錢另研

射香一錢另研

雄黃三錢葉水

安息香一兩以無灰酒研飛

右以安息香同桃仁琥珀共熬成膏和諸藥末為丸如鷄頭實大陰乾每服一九人參湯化下

○蕪合香丸治諸般怪疾方見氣門

○一方治魘死不還用半夏末不拘多少吹入鼻中

即醒

○祖傳經驗辟邪丹治衝惡怪疾及山谷間九尾狐

精為患

人參

茯神

遠志

鬼箭羽

九節菖蒲

白朮

蒼朮

當歸各一兩

桃奴五錢

雄黃另研

辰砂各三錢另研

牛黃一錢另研

金箔二十葉

或加射香一錢

右件以桃奴已上諸藥為細末入雄黃辰砂牛黃三味末子和勻以酒調米粉打糊為丸如龍眼大金箔為衣臨卧以木香湯化下一丸諸邪不敢近體更以絳紗囊盛五七丸懸床帳中尤妙

○一婦人年二十七美貌得一證如醉如癡頰赤面青略有潮熱飲食不美其脉乍疎乍數而虛每夜見白衣少年與睡一醫與八物湯服數十

貼不効召子治之見其家有白犬卧枕户闔予
曰必此犬作怪命殺犬取其心血及膽汁丸安
神定志之藥以八物湯吞下服藥十數貼丸藥
一料以安其九藥用遠志石菖蒲川歸黃連茯
神硃砂側柏葉草龍膽等藥也

怔忡驚悸健忘証五十四

論

內經曰心者君主之官神明出焉夫怔忡驚悸之
候或因怒氣傷肝或因驚氣入膽母能令子虛因
而心血為之不足又或遇事繁冗思想無窮則心
君亦為之不寧故神明不安而怔忡驚悸之證作

矣夫所謂怔忡者心中惕惕然動搖而不得安靜
無特而作者是也驚悸者驚然而跳躍驚動而有
欲厥之狀有時而作者是也若夫二證之因亦有
清痰積飲留結於心胞胃口而為之者又不可固
執以為心虛而治醫者自宜以脈證參究其的而
藥之毋認非以為是也慎之慎之

脈法

寸口脈動而弱動為驚弱為悸

跌陽脈微而浮浮為胃氣虛微則不能食此恐懼之脈憂迫所致也

寸口脈緊跌陽脈浮胃氣則虛是以悸

肝脈動暴有所驚駭

方法凡用漢方三條

丹溪曰屬血虛有痰有慮便動屬虛時作時止者
痰因火動瘦人多是血少肥人只是痰多時覺
心跳者亦是血虛怔忡無時驚悸有時而作

○大法四物湯安神丸之類有痰者用痰藥
○驚悸者屬血虛用硃砂安神丸最好或痰迷心竅
者宜用治痰藥

○一方治勞役大虛心跳

硃砂 白芍藥 當歸身 側柏葉各三錢

川芎 甘草 陳皮各一錢 炒黃連半錢

右為細末猪心血為丸如黍米大每服五六十

方局

九津唾嚥下或用白湯一口送下食後臨卧服
○驚悸養心湯治肥人因痰火而心惕然跳動驚起

黃芪 茯神 半夏麩 川芎各半錢

遠志 桂心 栝子仁 酸棗仁炒

五味子 人參各二分半 甘草四分

右細切作一服生薑三片大棗一枚水一盞煎
至七分服如停水加茯神槲柳各三分同煎

○安神丸

黃連酒洗一錢半 硃砂水飛一錢 生地黃酒洗

當歸身酒洗 甘草各半錢

右為細末湯浸蒸餅為丸如黍米大每服十五

九食後津唾嚥下硃砂安神丸無地黃當歸用生甘草

人活

○溫膽湯治心膽怯怔忡易驚

半夏

竹茹

枳實各二

生薑四錢

陳皮三錢

甘草一錢

右細切作一服水二盞煎至一盞去粗食後服

方胃

○定志丸治心氣不足恍惚多忘及怔忡驚悸等證

人參

白茯苓各三兩

遠志去心

石菖蒲各二兩

右為細末煉蜜為丸如梧桐子大硃砂為衣每

服五十九食後白湯下

間河

○朱雀丸治怔忡驚悸等證

茯神二兩

沉香兩

硃砂半兩另研為衣

右為細末蒸餅丸如梧桐子大每服五十九人

參湯下

垣東

○八物定志丸平補心氣安神鎮驚除膈間痰熱等證

證

遠志去心

石菖蒲

麥門冬

茯神

白茯苓各一兩

白朮兩

人參一兩

牛黃二錢別研

煉蜜丸如梧桐子大硃砂為衣每服二十九白

湯送下

棟

○歸脾湯治思慮過度勞傷心脾健忘怔忡

白朮

茯神

黃芪

龍眼肉

酸棗仁炒各一錢 人參 木香各半錢 甘草二分
右細切作一服水二盞加生姜三片大棗一枚煎至一盞去粗溫服

○祖傳經驗秘方治憂愁思慮傷心令人惕然心跳動驚悸不安之證

川歸酒洗 生地黃酒洗 遠志去心 茯神各五錢

石菖蒲九節 黃連各二錢半 牛黃另研 辰砂二錢另研

金箔十五片

右以前六味研細入牛黃辰砂二味末子猪心血丸如黍米大金箔為衣每服五十九煎燈心湯送下

論

三消 五十一

內經曰二陽結謂之消又曰痺成為消中東垣曰二陽者陽明也手陽明大腸主津液若消則目黃口乾乃津液不足也足陽明胃主血若熱則消穀善飢血中伏火乃血不足也結者津液不足結而不潤皆燥熱為病也此因數食甘美而多肥故其氣上溢轉為消渴治當以蘭除陳氣也不可服膏梁芳草石藥其氣慄悍能助燥熱也岐伯曰脉實病久可治脉弦小病久不可治當分三消而治之高消者舌上赤裂大渴引飲經云心移熱於肺傳

為膈消者是也。以白虎加人參湯治之中消者。善食而瘦。自汗大便硬。小便數。叔和云。口乾飲水多。食飢虛羸。成為消中者是也。以調胃承氣湯三黃丸治之。下消者。煩渴引飲。耳輪焦乾。小便如膏。叔和云。焦煩水易虧。此腎消也。以六味地黃丸治之。總錄所謂末傳能食者。必發腦疽背癰。不能食者。必傳中滿鼓脹。皆為不治之證也。張潔古分而治之。能食而渴者。白虎加入參湯。不能食而渴者。錢氏白朮散。倍加葛根治之。上中既平。不復傳下消矣。先哲用藥。厥有旨哉。然臟腑有遠近。亦宜斟酌。如心肺位近。宜制小。其服腎肝位遠。宜制大。其服皆適其志所為。故如過與不及。皆誅罰無過之地也。如高消中消。制之大。急速過病所。久而成中滿之病。正所謂上熱未除。中寒復生者也。非藥之罪。失其緩急之制也。治斯疾者。宜審焉。

脉法

脉經曰。厥陰之為病。消渴。氣上衝心。心中疼熱。飢而不欲食。食則吐下。不肯止。寸口脉浮而遲。浮則為虛。遲則為虛勞。則衛氣不足。遲則榮氣竭。

跌陽脉浮而數。浮則為氣數。則消穀而緊。要略作消矣緊數相搏。則為

堅

氣盛則溲數。溲數則緊。要略堅緊數相搏。則為

消渴男子消渴小便反多以致一斗小便一斗
腎氣丸主之

心脉滑為渴滑者陽心脉微小為消瘵消瘵脉實

大病久可治弦小堅急病久不可治

脉數大者生沉小者生實而堅大者死細而浮短
者死

方法丹溪方注
五條

丹溪曰養肺降火生血為主分上中下治

上消者肺也多飲水而少食大小便如常

中消者胃也多飲食而小便赤黃

下消者腎也小便濁淋如膏之狀

○大法黃連天花粉二味為末藕汁人乳汁生地黃
汁佐以蜜姜汁為膏和二末留舌上徐徐以白
湯少許送下能食者加石膏

○猪肚丸

黃連五 麥門冬 知母 栝蒌根各四

右為細末入雄猪肚內縫之蒸熟乘熱於石臼
中搗爛如乾加煉蜜丸如梧桐子大每服一百
丸食後米飲下可以清心止渴

○天花粉治消渴之聖藥也 凡消渴藥中大禁半
夏及不可發汗

○二消者瓊玉膏最妙方見咳
嗽門

○和血益氣湯治口乾舌乾小便數舌上赤裂此藥

生津液除乾燥生肌肉

柴胡 炙甘草 生甘草 麻黃根各三分

當歸梢酒洗知母酒洗 漢防已酒洗羌活各半

石膏六分 生地黃酒洗黃連酒洗各八分黃栢酒洗

升麻各一分 杏仁去皮另研六分 紅花少許

批仁去皮另研六分

右細切作一服水二盞煎至一盞去粗溫服忌

酒醋熱濕麩

○當歸潤燥湯治消渴小便多大便秘澁乾燥結硬

燥渴喜好溫飲陰頭退縮舌燥口乾眼澁難開

及於黑處見浮雲

細辛一分 生甘草 炙甘草 熟地黃各三分

柴胡去蘆七分 黃栢酒洗 知母酒洗 石膏

桃仁泥 當歸身 麻仁 防風

荆芥穗各一分 升麻一分 紅花少許

杏仁七箇別研為泥 小椒三粒

右細切作一服水二盞煎至一盞熱服食遠忌

辛熱物

○生津甘露湯一名清涼飲治消中能食而瘦口舌乾自

汗大便結燥小便頻數

升麻四分 防風去芦 生甘草 漢防已

卷之五十五 八十六

東垣

○辛潤緩肌湯

一名清神補氣湯

前消渴證纔愈止有口乾

熱服

右細切作一服水二盞煎至一盞加酒一匙稍

酒草龍膽

石膏

黃柏各半紅花少

桃仁五箇

杏仁十箇

生地黃

各三分

當歸身

分六柴胡

羌活

炙甘草

黃芪

酒知母

酒黃芩各一

生地黃

細辛各一分

熟地黃

石膏各四分

黃栢洗酒

黃連

生甘草

知母各半

柴胡去蘆

當歸身

荆芥穗各一

升麻半一錢

桃仁泥

防風各一錢

紅花少

杏仁六箇

小椒粒一

右細切作一服水二盞煎至一盞稍熱服食遠

東垣

○生津甘露飲子治消渴上下齒皆麻舌根強硬腫

痛食不能下時有腹脹或泄黃如糜名曰食泄

渾身色黃目睛黃甚四肢痿弱前陰如水尻臀

腰背寒面生鰓色脇下急痛善噎喜怒不常徒

忘

藿香二分

柴胡

黃連

木香各三分

白葵花

麥門冬

當歸身

蘭香各五分

澤澄茄

生甘草

山梔子

白豆仁

白芷

連翹

姜黃

石膏

一分

杏仁去

酒黃柏

炙甘草

酒知母

升麻

人參

桔梗

全竭去毒

右為細末湯浸蒸餅和勻成劑捏作片子日中晒半乾擦碎如黍米大每服一錢津唾下或白湯送下食遠服

○黃芪飲治三消

黃芪蜜炙

炙甘草

每服二錢水煎服

○六味地黃丸方見虛損門

○人參白朮湯治胃膈瘴熱煩滿飢不欲食瘴成爲消中善食而瘦燥熱鬱甚而成消渴多飲水而

小便數兼療一切陰虛陽實風熱燥鬱頭目昏

眩中風偏枯酒過積毒腸胃燥澁併傷寒雜病

產後煩渴氣液不得宣通

人參

白朮

當歸

芍藥

大黃

枳子

荆芥穗

薄荷

桔梗

知母

澤瀉

茯苓

連翹

括萎根

乾葛

甘草

藿香葉

青木香

官桂

石膏

寒水石白滑石

右為細末每服抄五錢水一盞入芒硝半兩生薑三片煎至半盞絞汁入蜜少許溫服漸加至

十餘錢得藏府流利取効如常服以意加減如腸胃鬱結温熱內甚自利者去大黃芒硝服

○絳雪散治消渴飲水無度小便數者大有神効

黃芩 黃丹 漢防已 栝蒌實各等分

右為細末每服二錢温漿水調下臨卧時併進三服即止

○人參散治腎消善飲而食小便頻數白濁如膏

人參一分 白朮 澤瀉 栝蒌根

桔梗 枳子 連翹各二分 葛根

黃芩 大黃 薄荷 白茯苓各五分

甘草七分 石膏 滑石一分 寒水石

縮砂各半

右細切作一服為末水一盞半煎至一盞入蜜少許再煎三兩沸腎消食前上消食後服

○大黃甘草飲子治男子婦人一切消渴不能止者

大豆五升 出淘去苦水先煮二三沸 大黃一分 甘草四兩 長四指長四指 搥碎

右用井水一桶將前藥同煮三五時如稠強更添水煮豆軟煮為度盛於盆中放冷令病人食豈渴飲湯汁無時候食盡如燥渴止罷藥未止依前再煮食之不過三劑其病悉愈

○麥門冬飲子治心移熱於肺名曰膈消心膈有熱又則引飲為消渴

麥門冬一匙

栝萎根

知母

甘草

五味子

生地黄

人參

葛根

茯苓各半

右細切作一服加竹葉七片用水一盞煎至七分溫服

○丹溪活套云三消者多屬血虛不生津液俱宜四物湯為主治上消者本方加人參五味子麥門冬天花粉煎入生藕汁生地黄汁人乳飲酒人加生葛汁○中消者本方加知母石膏滑石寒水石以降胃火○下消者本方加黃柏知母熟地黃五味子之類以滋腎水又間當飲繅絲湯

為上策

○經驗原蠶繅湯治腎消白濁及上中二消飢渴不生肌肉其效如神蓋此物屬火有陰之用大能瀉膀胱中相火引陰水上潮于口而不渴也

原蠶繅絲湯以蠶繅其繅絲湯極效如無

新編醫學正傳卷之五終

6276
53



